

سحر القاتل والمقتول

تأليف

كرّم محمود

بطاقة فهرسة

حقوق الطبع محفوظة

مكتبة جزيرة الورد

اسم الكتاب:

()

تأليف:

رقم الايداع / ٧٨٦ / ٢٠١٦

الترقيم الدولي:

الطبعة الاولى ٢٠١٦



القاهرة: ٤ ميدان حلیم - خلف بنك فيصل

شارع ٢٦ يوليو - من ميدان الأوبرا

٢٧٨٧٧٥٧٤ - ٠١٠٠٠٠٠٤٠٤٦

Tokoboko_5@yahoo.com

الهداء

إلى كل شهدائنا من رجال القوات المسلحة العظيمة وكل شهدائنا من رجال
الشرطة الأوفياء وكل شهدائنا من رجال القضاة الأتقياء وكل شهدائنا من المدنيين
الأبرار اليهم جميعاً وإلى أرواحهم الطاهرة أهدي هذا الكتاب.

obeikandi.com

المنظر

(زنزانة واسعة.. في مؤخرة المسرح نافذة حديدية طويلة وباب كبير الحجم بجانبه مقعدان طويلان.. المكان غارق تماماً في الظلام باستثناء شعاع خافت من ضوء القمر يتخلل النافذة الحديدية.

قبل رفع الستار نسمع موسيقى عنيفة مع حشريات صوت مكتوم تفتح ستارة المسرح فتسقط الالتراف في مقدمة المسرح علي شاب في العشرين من عمره، يحاول أن يتخلص من قبضة وهمية ملتفة حول عنقه.. الموسيقى تزداد عنفاً مع نزول مشائق متعددة من السوفيتا في كل أرجاء المسرح الأمر الذي يدفع الشاب بالهرب دوماً من تلك المشائق التي يتوالي نزولها مع تصاعد حدة الموسيقى العنيفة مما يصيب الشاب بالهلع والفرع حينما يفشل في الهرب من تلك المشائق التي لا يعرف مصدرها ينزوي وميتكوم تحت النافذة باكياً بينما نسمع صوت خطوات عنيفة خارج الزنزانة.. ثم صوت شخصخة مفاتيح.. يصاب الشاب علي أثر تلك الأصوات بالفرع مرة أخرى، فيندفع إلي أقصى يسار المسرح في محاولة للاختفاء من القادم في حين ترفع المشائق وتبدل إضاءة الالتراف إلي إضاءة مناسبة وتعلو أنغام الموسيقى الصاخبة أو العنيفة مع إمكانية ترك الموسيقى كخلفية ولكن بما يناسب الموقف الدرامي.

علي مصمم الديكور مراعاة تعدد فتحات الدخول والخروج في كل مشاهد المسرحية بحيث تدخل وتخرج الشخصية دون أن تري أو كأنها شبح وجد فجأة واختفي فجأة).

الشاب: (في رعب) أنا.. أنا.. أنا برىء.. لأ.. لأ.. أنا موش عاوز أموت.. موش ممكن أكون قاتل.. أكيد حد تاني.. أنا لأ.. أنا لأ.. سامعين.

(الشاب أثناء منولوجة هنا يجب أن يكون حركته عشوائية فأحياناً تأخذ خصواته اتجاهها مائلاً أو مستقيماً أو حلزونياً وأحياناً يصعد فوق أحد الكراسي وكأنه يُخطب أمام منصة قضاء وهمية متخيلاً نفسه في موقف دفاعي بحت).

الشاب: موش ممكن تكون حانت ساعة نهايتي (في ضعف) ده أنا لسه ما اتهتتش بالدنيا ولا هيه لاحقت تتهنأ بيه..

معقولة أحلامي الجميلة تكون نهايتها المشنقة.. أكيد العالم هود المختل مش أنا.. مفيش بني آدم عاقل يرضي بالظلم ده. همه السبب.. هو السبب.. أنا ماقتلتهوش.. مش ممكن أقتل.. أكيد هو تاني (يبدأ في البكاء مرة أخرى) معقولة الايدين ديه نعرف تقتل (يرفع يديه أمام ناظره) أكيد أيدين حد تاني أما أنا لأ.. لأ.. (يسمع الشاب شخصخة المفاتيح فيندفع ناحية النافذة محاولاً اختراقها ولكنه يفشل) لسه بدري علي إعدامي.. حاكموني قبل ما تعدموني.. أنا مظلوم هو اللي سحرنى (في حالة مغامرة وقد نسي أمر صوت المفاتيح أيوه هوا اللي سحرنى ودفعني أنى.. أنى (يتعلمش) أنى (يصرخ) لأ.. لأ (يعود إني هدوءه مرة أخرى) كل ما فيه كان بينطق بالسحر طوله عرضه شكله صوته فجره وأنيته وجشعه ونذالته كل ما فيه سحرنى قتلني قتلته.. قتلته (يصرخ) لأ.. لأ.. موش ممكن أكون قتلته أنا.. أنا.. أنا مظلوم..

(يسمع صوت الباب فيندفع إلى النافذة كالفأر مرعوباً في حين يأتيه صوت من الخارج).

الصوت: كل المجرمين يقولوا أنهم مظلومين.

الشاب: (مدهوشا) ده.. ده.. ده صوته.. ايوه صوته.. يبقى مامتش.. أنت حي..
أنت حي.. حي.

الصوت: ده عشم إبليس في الجنة.

الشاب: لكن.. لكن أنت بتتكلم زي ما أنا باتكلم

الصوت: وروحي دلوقتي هي اللي بتكلمك أما أنا فخلاص مفيش بح

الشاب: (مندفعا بجوار الزنزانة منقبا عن مصدر الصوت) أنت فين.. أنت بتتكلم منين.. أظهر وبان عليك الأمان.

الصوت: (يضحك في هستيريا تثير الرعب) ما تحاولش تدور.. أنا فوق فوق.. فاهم.. فوق خالص.

الشاب: (مبهوتا) فوق.. فوق فين!!

الصوت: فوق.. فوق ما تتصور

الشاب: (في براءة) وأزاي أطلعك!!

الصوت: (ضاحكا في سخرية) ما تستعجلش ميعادك قرب.. ميعادك مع حسابك والمشقة هي عقابك (يصرخ الشاب حينما تخفت الإضاءة وتسقط مجموعة من الحبال علي هيئة مشنقة تحاصر الشاب فينزوي في أحد أركان المسرح واضعا رأسه بين يديه خوفا عليها من الدخول في المشنقة).

الشاب: أبعدوه عني.. أبعدوني عنه.. أبعد عني.. لا يمكن ادفع تمن غلطتك وندالتك.. أنت نجس.. ايوه نجس.. زاني حتي الثمالة.. زاني من رأسك حتي أخمص قدميك.. أنا لا يمكن أكون ضحية واحد نجس.. راسي الشريفة لا يمكن تكون تمن وساختك.. لا يمكن يكون ده هو مصيري.. فاهم.. هه.. أو.. انطق.. (منتظر قليلا

أن يأتيه صوت الآخر لكنه لا يرد فيبدأ الشاب في الانهيار الداخلي) ما تحاولش تضغط
علي أعصابي أكيد أنت مستخبي.. أظهر (يتأمل الحوائط في خوف) أظهر وبان عليك
الأمان (يتراجع للخلف في خوف وهلع) انطق يا جبان اتكلم (وهو أقرب إلي البكاء)
معقولة.. معقولة أكون وصلت لمرحلة الجنون.. يا ربّي ضحكته البشعة صداها ما
زال بيرج في وداني.. أرجوك كلمني تاني.. لا يمكن ابقني وسط الفراغ ده لو حدي..
لا يمكن أبقني أنا والفراغ والمشقة.. اتكلم.. اتكلم.. (يصرخ) اتكلم.. اتكلم (يقع
علي الأرض) صوتك وهم ولا حقيقة.. مؤكد صوتك هوا الدليلين علي براءاتي.. ابوه
ما دام سمعت صوتك يبقي أنت حي.. يعني ما فيش جريمة.. يبقي أنا موجود هنا
ليه؟! ظلمة.. افتحوا الأبواب (يقوم مندفعاً إلي الباب الكبير المغطي بالحديد محاولاً
كسره بالقوة لكنه يفشل) افتحوا الأبواب يا كلاب.. أنا سمعت صوتة حرام عليكمو..
حرام.. حرام يتجه إلي النافذة متأملاً مشهد الليل والقمر في حزن بالغ) هي.. هي
نفس طبقة صوتة.. نفس رنة السحر اللي كانت دايبا بتسحرنني في صوتة.. لا يمكن
حد يقدر يشككني في صوتة أبداً أبداً.. ولا حتي القمر نفسه. ولا الليل الحزين في
المحاكمة لازم أقول كل اللي سمعته منه.. ده دليل براءاتي الوحيد (في هذه اللحظة
يظهر السجنان بحيث يكون ظهوره خطفاً لبقية شخصيات المسرحية.. السجنان
يرتدي حلة رمادية اللون وملابسه لا توحي علي الاطلاق بأنه سجان.. يحمل بين
يديه صنية عليها أصناف قليلة من الطعام السجنان أغطس الأنف ومشوه الخنقة وله
كرش عريض.. الشاب لا يشعر في البداية بدخول السجنان) لا يمكن أموت فطيس..
لسه العمر قدامي طويل.. (حالمًا) قد إيه منظر القمر جميل.. ياااااه لو كنت دلوقتي
قاعد لي الكورنيش أنا وحببتي (يلتفت فجأة فيجد أمامه السجنان فيتجمد مكانه
لحظة صمت) أنت دخلت أمتي ومنين؟!

السجان: (يتأمله في برود) العشا

الشاب: (ينظر إليه من أسفل لأعلى) مش عايز

السجان: (بالية) العشاء

الشاب: (في غضب) قلت لك مش عايز

السجان: العشا

الشاب: (يتقدم نحو الطعام لكنه يتراجع علي الفور بفعل نظرات السجان

الشرسه) .. أنا مش جعان

السجان: (في حده) .. دا اخر كلام

الشاب: (في حسره) دا أول كلام

السجان: بس انت كده حاتموت من الجوع

الشاب: (في حسرة) ما تفرقش .. كده هاموت، وكده هاموت

السجان: لا تفرق (يجلس علي الارض يسحب صينية الطعام أمامه) أنا اللي ممكن

ألبسها ويقولوا ده أكل أكله .. لا في عرضك (يقف في خوف) أقعد كل وخلصني

الشاب: (في حدة) قلت لك مش جعان .. مش جعان

السجان: (وقد استراح لاجابته ويعود للجلوس أمام الطعام مرة أخرى) أنا كده

عملت اللي عليه .. وعداني العيب وقزح (يبدأ في الأكل بشراسة)

الشاب: تفتكر هيدوني إعدام؟

السجان: أنت شايف إيه؟

الشاب: أنا اللي بأسألك!

السجان: أنا شايف أنك (بصمت لحظه ينظر فهبيا إلي الشاب من راسه إلي أخص
قدميه وكأنه يراه لأول مرة) حليوه ومعجباني

الشاب: والنعمة اللي في أيدك أنا برىء

السجان: علي فكرة.. كله بيقول كده

الشاب: وبعد كده

السجان: وبعد كده.. كده

الشاب: (منفعلا) يعني إيه كده

السجان: يعني إعدام ولا مؤخدة

الشاب: (وقد تغير لونه) مش ممكن يعدومني هي سايبه.. إعدام كده بدون

محاكمة.. بدون يسمعونني.. هو أنا إيه؟! حشرة، ولا أحنأ في بلاد الواق واق..

هتتعلمي محاكمة غضب عن عين التخين في بلدكم ويمضرها رجال الصحافة

والسياسة والإعلام.. والفن كمان

السجان: (يضحك بوحشية) كمان

الشاب: أيوا كمان (شاردا) وها دافع عن نفسي ولا اجداعها محامي خلقه رينا..

مش حتته ولا هتجلج.. الكلام علي لساني هيبقي طلاقات رصاص مش هاخاف

من حاجة.. حاقول كل حاجه ايوه حاقول كل حاجة وساعتها هاوقف في وسط

المحكمة وأرقص عشرة بلدي كمان

السجان: (يضحك في صخب وهو يلوك الطعام في فمه) عشرة بلدي وسط

المحكمة (جادا) ده إعدام يا ابني مش هزار

الشاب: (منفعلا) انت ليه مش عاوز تصدقني

السجان: وايه اللي يخليني أصدقك

الشاب: أنا

السجان: (في سخرية) أنت؟

الشاب: أيوا أنا

السجان: أنت مين؟؟

الشاب: إنسان

السجان: (يضحك بوحشية) مرة واحدة.. أنت لسه صغير.. الظاهر أنك ما تعرفش يعني إيه كلمة سجن (ينهض وهو يزيح الطعام برفق ويهرش في مختلف أجزاء جسده متأملا الشاب بنظرات غريبة ومربية تجعله يتراجع خوفا وفزعا)..

الشاب: أنت باقلك هنا قد إيه؟

السجان: عشرين سنة.. يعني اشغال شاقة مؤبدة بس اختيارية

الشاب: طيب ليه ما اشتغلتش شغله تانيه؟

السجان: ايش رماك ع المرقالوا الأمر منه

الشاب: أنت معاك شهادات قد إيه؟

السجان: (وقد فوجيء بالسؤال ويعد علي أصابعه بسخرية) واحد.. اتنين..

تلاته.. اربعة.. أيوا أربعة

الشاب: (مدهوشا) أربع شهادات.. وتبقي هنا في المكان ده!!

السجان: (وهو يكتم ضحكته الوحشية) شوف ازاي يا أستاذ حكم

الشاب: علي كده أنت مثقف قوي.. بس..

السجان: بس ايه؟

الشاب: بس المفروض تكون ضابط ولا مأمور.. دول أربع شهادات

السجان: (بتلقائيه) علي كده من ملك شهادة ميلاد وشهادة الجواز وشهادة

الجيش وشهادة تطعيم ضد العدوي يبقى ضابط ولا مأمور (يضحك في صخب)

محدث كان غلب

الشاب: (مبهوتا) يعني أنت جاهل

السجان: أنا جاهل اه، لكن قاتل لأ

الشاب: (منهارا) أنا مش قاتل.. أنا برى..

(يقرب السجان منه ويحاول تهنته يبدو الاضطراب علي السجان الذي يتأمل

وجهه وجسد الشاب بشهوة ثم يضع يده علي شعر الشاب برفق ويكاد أن يلتصق به..)

السجان: طب اهدا.. اهدا.. أنا بتديت أصدق أنك مش القاتل

الشاب: (في لفة) صحيح

السجان: صحيح.. هو الشكل الجميل ده ممكن يقتل ولا الجسد النحيل ده ممكن

يشتبك في معركة عنيفة تكون نهايتها القتل لا لا لا ما ظنش.. ده افترا.

الشاب: مش كدا برضه.. يعني أنا عندي حق في كل اللي بأقواله

السجان: (يتأمل به شهوة) كل الحق

الشاب: (مكملا وكأنه لم يسمعه) والصوت اللي سمعته كل صوته.. ايوا كان

صوته.. حي ايوا حي.. بس ما زال بيسحرنني بيلاعبي.. بيقتت جوايا كل مناطق

الارادة.. بس أنا مش ممكن ها ستسم لغوايته ابدا

(السجان يكون قد التصق مرة أخرى بالشاب بطريقة مثيرة ثم يدفعه برفق إلي

حيث تم وضع الكرسيان الشاب يسير معه كالمنوم بعد اطمأن إليه.. السجان يقول بتعديل الكرسيان بحيث يضعهما بطريقة متقابلة غير متباعدة في عمق المسرح)
السجان: ولاني مؤمن ببراءتك فلازم تعقد محاكمة سريعة تعلن فيها براءتك
للدنيا بحالها

الشاب: (وقد غلبه شعور الفرح فيتراقص طريا) يا ريت.. يا له.. ياله بسرعة
السجان: (تتغير نبرة صوته) هدوء.. هدوء.. انفضل أقعد..

الشاب: (وقد أخذ من تغير نبرة صوته وملامح وجهه) حاضر.. تحت أمرك
السجان: إيه قولك في التهم المنسوبة إليك
الشاب: أنا برىء.. أنا برىء.. والله برىء

السجان: تسمعني وأسمعك يا روح أمك فاهم (يصفعه علي وجهه.. الشاب لا
يحرك ساكنا) ودلوقتي تفسر بايه قتلك للرجال العجوز..
الشاب: (في نضرع) احلف لك بايه..

السجان: (يقاطعه) قالوا للحرامي أحلف قال جاني الفرح، قتلته ليه أنطق.

الشاب: سحرفني علشان أقتله.. لكن أنا ما قتلتهوش
السجان: أنت مجنون.

الشاب: لا

السجان: مخبول

الشاب: لا

السجان: امال مله جنس أهلك إيه؟

الشاب: إنسان

السجان: ظظ في اسنانيتك وفي إنسانيه أهلك.. فلقنتني إنسان إنسان.. هو أنت بني آدم واحنا حيوانات..

الشاب: (وكأنه لم يسمع يو صل ش'ردا) كان كأنه عريس ليلة دخلته أتهياً وجاللي رغم سنه.. سحرني بفجره.. غواني بعربلته.. ما رحمنش ولا رحم شيخوخته ولا رحم حتي براءتي.. سرقني.. أيوا سرقني.. أخذ أملي في الحياة (يكاد إن يبكي) بصيت حواليه لقيت ألف ساحر وساحر زيه اخدو عمرنا وصادروا زهرة شبابنا.. منعوا الهوا عن مشاعرنا وأحاسيسنا.. صادروها وصادروها لخارج الوطن.. بصيت حواليه لقيت ملايين الجتت وملايين الجثث اللي ما فيهاش روح خمدت لانفاس وضاع الاحساس فكان لازم اقلته.. يوه كان لازم اقلته.. ايوه كان لازم اقل فيه صوره كل ساحر وفاجر وقادر علي سرقة أحلامنا في لحظة من اللحظات حسيت اني مبعوث العناية الالهية لتخليص العالم من كل السحرة اللي زيه فما كانش ممكن احبي النداء عن ذهني.. كنت لازم البي النداء واخلص العالم من شرور السحرة.. قتلته.. قتلتهم، ويجب أن أكافئ لا أن أعدم.. أنت فاهم. ايوه يجب أن أكافئ.. يجب أن يصنع لي تماثيل وتنحط في أحسن ميادين العاصمة أنا زي زي جيفارا وغاندي وسعد زغلول ومصطفي كامس.. أنا ما افرقش عنهم حاجة هم دافعوا عن وطنهم ضد الاحتلال الاجنبي.. وأنا خلصت شبابنا من احتلال السحرة. دلوقتي يقدرُوا يعيشوا دلوقتي يقدرُوا يجبوا وتبقي لحياتهم معني.. (صمت قصير)

السجان: برافو.. برافو.. المهم انك قتلته

الشاب: (في حدة) ما قتلتهوش.. سحرني فقتلته

السجان: سحرك ما سحركش امهم القتل تم وده سبب كافي لاعدامك (يقف)

وهو يتأمل الشاب بشهوة بينما الاخير ملتصق بكرسيه خوفا وهلعا من نظرات
السجان النارية) حسابك قرب، وساعتك حانت.. انت جاهز

الشاب: جاهز!!.. جاهز لا ايه!؟

السجان: (يتقدم نحوه بينما الشاب يحاول الوقوف علي قدميه بصعوبة) للاعدام

الشاب: (يندفع الي ناحية النافذة صارخا) لأ.. لأ.. ده ظلم.. ادعموه هو.. هو

اللي سحرني.. هو اللي قتلني (يقع علي الارض)

السجان: (مقتربا منه في خطوات ثابتة) الكلام ده أنت قلتة كثير.. خلاص نهايتك

قربت (الشاب يلمح الغدر في عين السجان فيقف متحاملا علي نفسه ومندفعاً إلي

الناحية الأخرى من المسرح) حتروح فين.. ده سجن وأنا السجان موش هتقدر

تفلت من العقاب لاني أنا هنا كل حاجه.

الشاب: مش من حقتك.. أنت مجرد سجان، مش قاضي.. المحاكمة لسه ما بدأتش

السجان: المحاكمة تمت وقدامك من شويه

الشاب: دي كانت لعبة!!

السجان: وايه اللي خلاك تقبلها من الاصل ما دام هي لعبة

الشاب: أنا أسف وبعذر عن قبولها ودلوقتي بأرفضها

السجان: ما عادش ينفع.. خلص الوقت (يقرب منه فيجري الشاب إلي الناحية

المقابلة ناحية النافذة) أنفاسك بقت تلعب في الوقت الضايح (يخرج من بين ملابسه

حبل طويل.. الشاب يفرع ويقع علي الأرض)

الشاب: لأ.. لأ.. لأ..

السجان: (يتقدم منه متأملا اياه في شهوة عارمة) ما تخافش كل شيء هيتم بهدوء..

بهدهوء.. كل شيء في أوله صعب.. لكن بعد كده هتتعود (السجان يفيض علي يد الشاب ويوثقها بالحبل بينما اشباب يبكي في حرقة ويسير مع السجان متهالكا إلى حيث مكان المحاكمة أو حيث وضع الكرسيان) أقعد علي الكرسي (الشاب يجلس وكأنه منوم) مدد رجلك (الشاب يفعل بينما السجان يخرج حبل آخر من جيبه ويوثق به قدما الشاب) ودلوقتي حانت لحظة النهاية.. لحظة اعدامك علي طريقي الخاصة.
الشاب: (في رعب) لأ.. لأ.. أبوس أيديك.. ابوس رجلك اعتمني، اعتمني لوجه الله.

السجان: (يتحسس جسد الشاب في شهوة بالغة فيفزع الشاب ويدرك الآن قصد السجان الذي يقوم بفك أزرار حلته)

الشاب: (وقد انتابته حالة هستيرية) أنت هتعمل إيه؟!.. أنا أمنعك.. أنت كلب.. حيوان.. ابعده عني.. ابعده عني (الشاب في صراخه وعصبيته يدفع الكرسي اللي الورا فيقع فوق الأرض زاحفا في محاولة الهرب من هذا المأزق) لو كنت أعرف أن ده قصدك كنت قتلتك
السجان: زيه

الشاب: (في عصبية) ايوه زيه.. أنت ما تفرقش عنه حاجه.. نفس القذارة ونفس الفجور وأن اختلفت الوسيلة (تطفأ الأنوار في تلك اللحظة بي استثناء جهاز الاثرا الذي يسقط انواره حول جسد الشاب وهو ملقي في منتصف المسرح.. السجان ينحني علي الشاب محاولا شل قدرته الدفاعية بينما الشاب يحاول جاهدا فك قيوده لكنه يفشل ويصرخ صرخة مدوية تحمد بعدها أنفاسه بينما نسمع ضحكة وحشية من السجان)

السجان: ماليت بطني ودنوقتي هافرغ كبتني

(يظلم المسرح تماما بينما تنصاعد الموسيقى العنيفة في حدة)

المنظر

فصل في مدرسه ثانوية.. الفصل يحتوي علي مجموعة من الدكك الخشبية التي يجلس عليها الطلبة، حوائط الفصل تشبه مداخل وخارج الطرق بحيث يدخل من يدخل ويخرج من يخرج، في مقدمة المسرح يمينا سبورة سوداء.. الطلبة في حالة إنصات لمدرس الدين الذين يقرأ ويكتب علي السبورة إحدي آيات الذكر الحكيم بينما الشاب التي رأيناه في اللوحة الأولى يجلس في مقدمة الصفوف الطلبة.. مدرس الدين يرتدي بذلة صيفية ويمسك في يده اليمني بعصا قصيرة لكنها سميكة كما يضع علي عينيه نظارة سوداء).

المدرس: (مرتلا) بسم الله الرحمن الرحيم

يسبح الله ما في السموات والأرض له الملك وله الحمد وهو علي كل شيء قدير.. هو الذي خلقكم فمنكم كافر ومنكم مؤمن والله بما تعملون بصير.. صدق الله العظيم هذه يا أولادي الآيات الأولى من سورة التغابن وهي سورة مدنية وآياتها ثمان عشرة آية

تلميذ ١: يعني إيه تغابن يا أستاذ؟

المدرس: سؤال في محله يا ولدي.. الغبن في اطلاق عمومة يعني الظلم.. مفهوم

الجميع: مفهوم يا أستاذ

المدرس: الحمد لله نستطيع الآن إن نتقل بسهولة إلي (همهمات) شرح هس هس

يا بهيم يا ابن البهيم أنت وهو نحن في حصة الدين يا فاسق منك له له له له أ

رأسه إلى أعلى ثم يضغط باصبعه على النظارة السوداء التي كادت أن تقع من فرط الانفعال) عند ماذا توقفنا.. توقفنا عند ماذا (يكون قد وصل إلى الدكة التي يجلس عليها الشاب) قل أنت يا أجهل ما رأيت

تلميذ ٢: هو أنت بتشوف يا أستاذ؟ (الجميع يضحك بالضحك)

المدرس: (في غضب متزايد) من قال هذا؟!

تلميذ ٢: أنا.. أنا أسف يا أستاذ مش قصدي (المدرس يكون قد وصل إليه)

المدرس: يدك.. يدك يا كلب يا ابن الكلب (يقبض على يد التلميذ بعنف ممطرا إياه بوابل من الضربات القوية ثم يلكزه في صدره بغضب فيقع الطائب على الأرض وهو يتألم ويصرخ.. التلاميذ في حالة وجوم.. بره.. بره يا حيوان (تلميذ ٢ يندفع خارجا من إحدى مخارج الفصل) لقد عككن علي (يربت علي كتف الشاب ثم ينزل بيده علي ذراعه ثم يعرج إلى صدره فيجفل الشاب) فيما كنا نتحدث

تلميذ ٣: عن الظلم يا أستاذ.. أصل الظلم حرام

المدرس: أخرس أنت يا وغد

تلميذ ٣: حاضر يا أستاذ

المدرس: (للشاب) أتكلم أنت.. أريد أن أسمع صوتك

الشاب: (وهو يزيح يد المدرس برفق) لقد وقفت شرح الآيات يا مولانا

المدرس: آه عظيم لقد ذكرتني بارك الله فيك (يربت علي ظهر الشاب فيتشر الهمس بين التلاميذ فينزع يده علي الفور) أخرسوا لقد وقفنا كما قال زميلكم عند شرح الآيات حيث توضح هذه الآيات إن الله سبحانه وتعالى هو مالك الملك وصاحب الفضل والنعم وهو القادر القاهر.. وقدره الله لا حدود لها فهي محيطة بكل

شيء مهمينة علي كل شيء مدبره لكل شيء وحافظه بكل شيء فأنتم كما تعرفون (يدق جرس انتهاء الحصّة) خسارة.. لقد انتهى الدرس (يضع يده علي فخذ الشاب ويتحسسه بشهوة فيقف الشاب مفزوعا فيضحج الجميع بالضحك) خسارة.. لقد كنت ابغي شرح بقية الآيات حتي تنتهي من تفسير هذه السورة العظيمة.

تلميذ: ما تزعلش يا أستاذ تتعوض

المدرس للشاب: هل استوعبت كلمات؟

الشاب: الحمد لله يا مولانا وبأروح البيت أراجع كمان

المدرس: بارك الله فيك إلا تريد شيئاً؟

تلميذ ٥: قول ما تنكسفش الأستاذ زي أبوك اللي انحرمت منه

المدرس: أقعد أنت يلعن أبوك في الأرض (الجميع يضحك بصوت مرتفع)

سأخرج يا حوش قاتلكم الله (للشاب) هل من الممكن إن تقودني إلي الخارج.

تلميذ ٦: ما تاخذني أنا يا أستاذ ولا أنا ما أعجيش

المدرس: اخرس أنت يا أسود الكلب (الشاب بعفوية يقبض علي يد أستاذه

ويقوده إلي الخارج بينما يحدث للطلبة حالة من الصخب حتي يدخل الشاب إليهم

مرة أخرى)

الشاب: (مخرجا ورقة من جيب سرواله) دلوقتي عندنا حصّة تاريخ (يرفع

صوته) يا جماعة.. يا جماعة.. هدوء.. هدوء.. أنتم عارفين أستاذه التاريخ ما تحبش

تسمع صوت في حصتها.

تلميذ ٦: هي ما تحبش تسمع صوت في حصتها وهو بيحب يحسس في حصته

الشاب: (في براءة) هوا مين اللي بيحب يحس؟!

تلميذ ٤: يعني مش عارف يا.. يا مولانا (الجميع يضحك)

الشاب: (وقد أدرك ما يقصدونه) عيب ده أستاذ فاضل ولا يمكن يقصد اللي
أنتم بتتخليلوه

تلميذ ١: والله.. محتمل آه

تلميذ ٥: ومحتمل لا

تلميذ ٣: سمع هس.. قولوا هيه

الجميع: هيه.. هيه.. هيه

تلميذ ٤: وكل من له نبي يصلي عليه

الجميع: اللهم صلي عليه؛

تلميذ ٤: (مقلدا المدرس متحسسا طريقة بين التلاميذ ومقلدا إياه في طريقة مشية
ونبرة صوته) عند ماذا توقفنا.. توقفنا عند ماذا؟؟ هه.. قل أنت يا أجمل ما رأيت
(الجميع يضحك) يا نهار أسود الراجل عينه منك يا وله

تلميذ ٥: ايوه يا عم بالهنا والشفأ (يأخذ شهيقا ليتأكد من تلك الرائحة الذكية
التي ملئت أرجاء الفصل) إيه ده يله

تلميذ ٦: فيه إيه؟؟ انطق

تلميذ ٣: فيه ريحه حلوة قوي قوي (الجميع يأخذون شهيقا)

تلميذ ١: تقصدوا ده صحيح (يلفتون فيجدوا أمامهم فجأة مدرسة التاريخ
تقف علي يسار المسرح تراقب الموقف.. تتقدم من مقدمة المسرح بثقة بينما تلميذ ٤
يجري إلي أعلي المسرح ليأتي إليها بكرسي يضعه في مقدمة المسرح.. المدرسة في أواخر
العشرينات صارخة الجمال ترتدي قميص مفتوحة الصدر وجونلة قصيرة للغاية)

المدرسة: (لتلميذ ٤) متشكرة قوي ممكن تقعدوا دلوقتي

تجلس المدرسة فتنحسر جونلتها ليزداد عري ساقها مما يشعل خيال التلاميذ الذين يتجمدون) النهارده حنكمل سوا اللي شرحناه عن الثورة العرابية.. طبعا أنت عارفين أن الثورة العرابية قامت عام (تصمت للحظة) قول أنت

تلميذ ٢: (مأخوذا) هه..

المدرسة: (في حدة) أنت.. أيوا أنت

تلميذ ٢: أنا

المدرسة: أيوا أنت أية ما بتسمعش

تلميذ ٢: لا باسمع وبحس كمان

المدرسة: (وقد فوجئت بالرد وترد بانفعال) أنت بتقول إيه يا حيوان

تلميذ ٢: لا ما فيش حاجة تحت أمرك

المدرسة: (في غضب) الثورة العرابية قامت أمتي؟

تلميذ ٢: بصراحة مش عارف

المدرسة: مش عارف؟!.. جميل اطلع بره

تلميذ ٢: حاضر.. الظاهر أنا تخصص طرد النهارده

المدرسة: اخلص واطلع بره

تلميذ ٢: حاضر.. حاضر.. اذا كنا مش حافظين القرآن هنحفظ التاريخ (يخرج)

المدرسة: حيوان (بعصبية تشير للشاب) قول أنت الثورة العرابية قامت سنة كام؟؟

الشاب: سنة ١٨٨٢

المدرسة: كويس ان طلع حد حافظ فيكم (ينحني تلميذ ٤ أسفل الدكة) انت

بتعمل ايه تحت يا حيوان

تلميذ ٤: بصراحة.. كنت باشوف الكشكول.. اصله وقع مني

المدرسة: كده.. طيب، قول عرابي اتنغي فين؟

تلميذ ٤: م الاخر

المدرسة: خلص خلصت روحك

تلميذ ٤: ما اعرفش

المدرسة: واضح أنكم ما بتفتحوش كتاب التاريخ (أحد التلاميذ ينحني ليلتقط قلمه من أسفل الدكة الخشبية التي تجلس أمامها المدرسة وحينها يصعد يتأمل المدرسة في بحلقة واضحة) هو ايه حكاية وقوع الكشاكيل والأقلام.. أنا عاوزه أعرف حالا أنت م بتنزلا تحت الدكك ليه؟! (تنظر درن قصد لساقها.. وتنظر للطلبة بغضب) اه يا أوساخ هو أنتم بتنزلا تحت الدكك عشان بتبصوا عليا.. صحيح أنكم ما أتربتوش طب والله لا وريكم كلكم.. صفر في الامتحان

الشاب: (كعاداته في براءة) بس أنا ما عمتش حاجة يا أستاذ

المدرسة: (في غضب شديد) اخرس.. كلكم صفر.. صفر (تخرج مندفعه فيضج الطلبة من الضحك)

تلميذ ٥: (في وهلة) انتم شفتوا اللي أنا شفته.. ياه.. زبده

الشاب: عيب الكلام ده.. اعتبروها زي اختكم ولا أمكم

تلميذ ٤: أمي ولا اختي يلبسوا عريان ومحزق كمان؟! ده كان أبويا ضربهم بالنار

تلميذ ١: يا ابني امتي هتفوق من الغيبوبة اللي انت فيها دي؟.. وبعدين هي كدا ولا كدا ملعب ولا مؤاخذه.. يعني

الشاب: حرام.. حرام.. ان بعض الظن إثم

تلميذ ٣: مش هتاخذ معك حق ولا باطل

تلميذ ١: يا عم سيبك منه ده أصله فقري وروماني

تلميذ ٤: (حالمًا) يا بخته

تلميذ ٥: هو مين؟!

تلميذ ٤: اللي هاتكون من نصيبه

تلميذ ٣: أنا عارفه

تلميذ ٤: بجدد؟ طب مين هوا

تلميذ ٣: استاذ العلوم بتاعنا

الشاب: (في حالة غضب) لا لا مش ممكن

تلميذ ٦: وأنت محموق ليه هي كانت من بقية أهلك

الشاب: حرام عليكم ده عرض واحدة

تلميذ ١: عرض إيه وطول.. أنت طالب ولا ترزي

الشاب: علي فكرة انتم كدايين كدايين

تلميذ ٣: وله تكونش بتحبها

تلميذ ٤: آه علشان كده بتهم بحصتها

تلميذ ٥: سمع هص كله يخرس.. عاوزين نرف الأستاذ علي الأستاذ (يلتفون

حول الشاب) اتمخطري يا حلوة يا زينة يا وردة من جوه جنينه.. يا عود قرنفل يا

عروسة الورد ضلل علينا (يضحكون)

الشاب: (منفعلا) بلاش تهريج ومسخرة

تلميذ ٥: بأقولكم إيه أحنا موش ناقصين عكنته

تلميذ ٦: تخرج أحسن ونسيب الأستاذ في خلوته

تلميذ ٤: ونعمة النصيحة بأي.. باي يا عرب (يخرجون فينهار الشاب باكيا)

الشاب: (يحدث نفسه) مش ممكن أستذه التاريخ تبقي كده دي أطهر من الطهر.. أنا.. أنا بحبها.. لا.. فعلا.. لا.. لأ مش ممكن أستاذة تبص لتلميذ عندها (تنحصر الإضاءة علي الشاب بينما نسمع باتجاه أعلي المسرح صوت مدرسة التاريخ وهي تنزل) صوت المدرسة: لا لا لا لا.. مش بالطريقة دي.. استتي بس.. أنت دايا كده مستعجل (الشاب يتجمد مكانه ولا يتحرك.. بينما تدخل المدرسة من أعلي المسرح وخلفها مدرس العلوم الذي أحاطها بذراعيه وكلما حاولت التخلص من قبضته فشلت)

المدرسة: أنت ايه ما بتشبعش!؟

المدرس: ابدأ ابدأ

المدرسة: أهذا شويه

المدرس: ابدأ ابدأ ابدأ

المدرسة: (تضحك بخلاعة) هو أنت عليك عفريت اسمه ابدأ

المدرس: ابدأ ابدأ (يحاول تقبلها فتضع يدها اليميني علي فمه)

المدرسة: اعقل بلاش فضايح احنا في المدرسة.. الأولاد يرجعوا من الفسحة ويشوفونا تبقي فضيحة.. بص أنا هاسيبك دلوقتي وبالليل حتلاقيني عندك في الشقة زي كل اسبوع

المدرس: ما فيش الاسبوع ده تزويغ ولا حجج

المدرسة: ابدأ ابدأ ابدأ

(يضحكان بينما تنطلق صرخة مدوية من الشاب)

إظلام

المنظر

حجرة بسيطة لكنها منظمة وأنيقة.. مكتب يتصدر عمق خشبة المسرح يرقد عليه مجموعة من الكتب والصحف والمحلات بالإضافة إلى كرسيان وضعا أمام المكتب.. الشاب يجلس وحيدا متصفحاً إحدى الصحف لحظات ويدخل رجل في منتصف الخمسينات.. طويل ونحيف الوسامة يبدو عليه رغم آثار السنين التي غزت وجهه الأبيض.. هذا الرجل يظهر فجأة كالشيطان واقفا خلف الشاب وخاطفا منه الجريدة، الشاب لا يعبر الأمر اهتماما لكنه يلتفت نصف التفاته خلفه وكأنه اعتاد علي هذا المزاح من قبل..

الرجل العجوز: بتعمل إيه يا جميل؟

الشاب: أهلا يا عمي

الرجل العجوز: (ينظر للصحيفة شذرا ثم يلقيها فوق المكتب) ما فيش جديد

أخبارتهم بأيته. مش كده؟

الشاب: يعني..

الرجل العجوز: لا ما يعينيش.. النهارده غير كل يوم حكايات النهارده ليها طعم

خاص لازم تبقي منفجل وذهنك حاضر

الشاب: (في خجل) ممكن أسألك سؤال يا عمي؟

الرجل العجوز: طبعا ممكن ده أنت كاتم أسراري

الشاب: الحاجات دي مش.. مش

الرجل المعجوز: هه قول اتكلم

الشاب: مش حرام

الرجل المعجوز: (يضحك بخبث) بصراحة.. حرام

الشاب: (وقد علت وجهه آمارات الدهشة!!) أو مال يتعملها ليه!!؟

الرجل المعجوز: أصل الحاجات دي مزاج.. زي ما فيه ناس مزاجها الايفون أو

الحشيش أو الكورة أو قرابه.

الجرأيد زيك كدا.. فيه ناس مزاجها الحريم أنا بقى منهم لا زعيمهم (يضحك

بصوت مرتفع)

الشاب: بس ده حرام يا عمي

الرجل المعجوز: (في غضب) الله الله هو أنت ايه حكايتك النهارده؟! أنت مش في

الفورمة خالص.. أقوم

أمشء

الشاب: (في لهفة) لا لا مش قصلي

الرجل المعجوز: طب أروح ونبقي نحكي الحكاية بكره

الشاب: لا.. لازم النهارده.. أقصد.. أقصد ما فيش مشاكل

الرجل المعجوز: تعجبني.. الست الوالدة موجودة؟

الشاب: لا نزلت عند جارتنا

الرجل المعجوز: أحسن برضه علشان أخذ راحتني في الكلام

الشاب: ياه للدرجة دي؟!!

الرجل العجوز: أصل الحكاية تستاهل

الشاب: جميلة؟

الرجل العجوز: رائعة الجمال

الشاب: سمرا ولا بيضا

الرجل العجوز: بيضه زي اللبن الحليب

الشاب: طويلة ولا قصيرة؟

الرجل العجوز: عود فرساوي يلسع

الشاب: متبرجة

الرجل العجوز: لا متحجبة

الشاب: أنسة.. ولا..

الرجل العجوز: أرملة

الشاب: عندها أولاد

الرجل العجوز: ولا الهوا

الشاب: دي.. دي.. دي

الرجل العجوز: دي هوسة (تدخل في تلك اللحظة من أعلي المسرح شابة في

بداية العشرينات سمراء لكنها مكتحلة بالجمال ترتدي عباية حمراء ملتصقة تماما

بجسدها)..

الشابة: لا مؤاخذه يا بابا بدون قطع حديثكم أصل...

الرجل العجوز: (يقاطعها في غضب وقد فوجيء بدخولها) أنت دخلتي هنا

أزاي؟! وايه اللي جابك أصلا؟

وايه اللي أتني لابس ده.. وسايه شعرك متعري ليه؟.. انطقي

الشابة: اصلك يا بابا اتاخرت قوي ودي مش عادتك فقلت اجي اسأل عليك هنا.. حاكم أنا عارفه أنت بتحب هنا قد ايه؟ (تأمل الشاب الذي لا يعيرها اهتماما) زي ما أنا باحب هنا وناس هنا (تنظر للشاب)

الرجل العجوز: (في غضب متصاعد) طب امشي علي البيت وأنا جي وراك
الشابة: (في غيظ مكتوم) حاضر (تخرج)

الرجل العجوز: ياه.. ايه العكنة دي.. ياه قطعت لحظات المتعة علينا.. احنا كنا وقفنا فين؟

الشاب: (في لهفة ومقلد الرجل) عند دي هوسة

الرجل العجوز: بالضبط كده عند دي هوسة.. مش عارف أوصهها أزاي، عين ايه ولا حدود ايه ولا شفايف ولا شعر اسود طويل

الشاب: (منزعجا) أنت مش قلت من شويه أنها متحجبة يبقي شفت شعرها أزاي؟!!

الرجل العجوز: الصبر.. الصبر.. (تحفت الاضاءة تدريجيا ويتم تركيزها علي بؤرة العمق التي تشمل المكتب بينما يتراجع الشاب بكرسيه إلي مقدمة المسرح ليشاهد ما سيحدث وكأنه شريط سينمائي.. الأرملة تدخل في ملابس سوداء أنيقة الرجل يقف بسرعة حينها يشاهدها داعيا إياها للجلوس معه)

الرجل العجوز: أهلا.. أهلا اتفضلي هنا جنبني

الأرملة: متشكرة قوي

الرجل العجوز: عامله ايه دلوقتي؟

الأرملة: الحمد لله

الرجل العجوز: (يتأملها بشهوة) صعبة الوحدة

الأرملة: مش بأيدي

الرجل العجوز: لكن بأيدي (يضع يده فوق يدها فتسحبها في دلال)

الأرملة: حد يدخل علينا

الرجل العجوز: الموظفين مشيوا

الأرملة: لكن دي مصلحة حكومية وممكن يعني..

الرجل العجوز: (يقاطعها) ما تقلقيش علقث ورقة بره قلت فيها بعد اتنين ونص

لا يتم استقبال طلبات

الأرملة: (تضحك) أنت عامل لكل شيء حساب

الرجل العجوز: الا شيء واحد ما عملتس حسابيه

الأرملة: ايه هو؟!!

الرجل العجوز: حبك (الأرملة تبسم نصف ابتسامة يتناول يدها ويمطرها

بالقبلات)..

الأرملة: (في نشوة) اخره ده كله ايه؟

الرجل العجوز: الحب مالوش اخر

الأرملة: بس أنا ست وحدانيه وأنت عارف السنه الناس

الرجل العجوز: (يقترّب بكرسيه منها) صدقيني كلام الناس لا بيقدم ولا بياخر..

الأرملة: (في ضيق) ده بالنسبة ليك كراجل لكن أنا أرملة ودي مش أول مرة

أفضل فيها معاك في المكتب بعد ما يروح الموظفين، وأنا بحس أنهم عارفين.

الرجل العجوز: (يطوقها بذراعيه) علي فكرة أنت خوافه قوي.. تفتكري أن وظيفتي كرئيس ليكي في العمل هي اللي بتحميكي؟!.. لا اللي بيحميكي هو حبي.. قلبي.

الأرملة: كلامك جميل لكن.. لكن أنا عاوزه فعل..

الرجل العجوز: مش مش هتعددي السنة دي الا لما نكون أتأهلنا

الأرملة: (في فرح) صحيح؟!

الرجل العجوز: بتكدييني

الأرملة: (في حزن) لا بس أصلك قلت الكلام ده أكثر من مرة

الرجل العجوز: انتي عارفه ظروف و ظروف الاولاد

الأرملة: احلف لك بأيه أن أنا هكون زي أمهم بالضبط أنا عارفه أني صغيرة في

السن بس ما تخفشي

الرجل العجوز: (يضمها إلي صدره) مصدقك.. مصدقك يا حبيبي لكن كل شيء بأوانه.. أما الجد فاوانه كل وقت (يبدأ في العبت بيده خلف ظهرها نازعا ببطء

الدبابيس التي تحكم سيطرة التحجبية حول رأسها وفاردا شعرها الاسود الطويل خلف ظهرها بينما نسمع شهقة الشاب في مقدمة المسرح حينما يري شعرها) تعالي..

تعالي يا حبيبي

الأرملة: (بدلال) فين؟

الرجل العجوز: في قلبي

الأرملة: هيسعني

الرجل العجوز: ويضلل عليكي

الأرملة: (تقف مشدوهة كالنومة) كلامك.. كلامك سحر، سحر بيقتلني
ويسلبني ارادتي.. كل مرة اقول مش هستسلم لكن أول ما اسمع صوتك تنفتت
روحي وتتغير واتوه.. اتوه واضعف وابقي زي ما أنت شايف.. لا حول ولا قوة..
أنت إيه؟!.. ساحر..

الرجل العجوز: اوعي.. والاسع للواد الجامد قوي (يوسع لها كمن يتخيل أن
هناك من يعترض طريقها.. يتقدم ببطء.. ويأتي الرجل من خلفها متحسسا شعرها
المتسدل..).

الأرملة: خايفة

الرجل العجوز: وأنا معاكي

الأرملة: لا

الرجل العجوز: أو مال فيه ايه؟

الأرملة: مش عارفة

الرجل العجوز: دقايق واخليكي تعرفي كل حاجة (تضحك بخلاعة وهي تتقدم
للخروج من اعلي يمين المسرح وخلفها الرجل في حين ينسحب الشاب الي عمق
المسرح واقفا خلف مكتبه في ذهول)

الأرملة: (من الكالوس) لا.. لا.. احلف الأول أنك هتتجوزني

الرجل العجوز: وحياتك عندي

الأرملة: لا.. لا.. طب استني.. بشويش.. بشويش أنا مش قدك

الشاب: (منفجراً) لا.

إظلام

المنظر

(حجرة نوم الشاب.. الشاب يجلس في حياء علي طرف السرير ويجواره تجلس

الشابة تتأمله في عشق..)

الشابة: أنت قاعد بعيد ليه.. ما تيجي هنا جنبي

الشاب: (بعفوية) لا هنا كويس

الشابة: أنت مكسوف؟

الشاب: لا

الشابة: (ينهرج صوتها) طب تعالي

الشاب: ما يصحش

الشابة: هو إيه اللي ما يصحش!!؟

الشاب: أنا.. أنا.. أنا نقعد جنب بعض

الشابة: (تقترب أكثر) ومين قال كده؟

الشاب: أمي والناس

الشابة: بالذمة مش مكسوف

الشاب: من إيه!!؟

الشابة: أنك تبقي شاب وتنكسف

الشاب: أصل...

الشابة: (تقاطعته في دلال وهي تقرب منه وحينما يشعر بذف جسدها يحاول النهوض فتقبض علي ذراعه الايمن وتمنعه من الهروب) رايح فين؟! ايه هو أنا هاكلك!! هي الاية انقلبت البنت دلوقتي هي اللي بتاخذ زمام المبادرة الشاب: (يضحك في خجل)..

الشابة: (تأمله) بالذمة نيك نفس تضحك.. تعرف أن أنا باموت فيك الشاب: متشكر

الشابة: (تقلده) متشكر.. هو ده اللي قدرت عليه (تقرصه من فخذه فيصرخ مبتعدا عنها)

الشاب: من فضلك اعقلي

الشابة: (بغیظ) أنت ايه.. ما بتحشيش

الشاب: (بهدهوء) لو ما بحسش صحيح ما كتش القرصة وجعتني

الشابة: (وهي تاكد أن تنفجر) يا لهوي.. يا لهوي.. افهمك ازاي؟!.. اعمل ايه اكثر من كده اخلع هـ... (تمضغ الكلمة) استغفر الله.. ده لو كان حجر كان نطق..

الشاب: أنتي أكيد اعصابك تعبانة النهارده

الشابة: أعصابي متبيلة بنيلة كل يوم مش النهارده بس.. أما أنت فأعصابك ما شاء الله حديد (بسخرية) يا واد يا جامد

الشاب: فاكره لما كنا صغيرين ونلعب من بعض لعبة عريس وعروسة

الشابة: (تندفع اليه وهي تطوقه بذراعيها) فاكره ايوه فاكره

الشاب: (يفاجيء بسلوكها فيدفعها برفق) مش قصدي.. أنا أقصد أننا من

صغرنا متربين مع بعض.. يعني زي الأخوات

الشابة: بس أنا بحبك بجد

الشاب: أصل.. أصل بصراحة أمي مش هتوافق

الشابة: (منفجرة) هو أنا هاتجوز أمك.. أنا هستناك لغاية لما تخلص تعليمك في

الجامعة ونتجوز

الشاب: اصل يناوي أكمل ماجستير ودكتوراه

الشابة: إن شاء الله تقعد مليون سنة هاستناك.. عارف ليه؟ (تضع يدها اليميني

علي فمه) ما تقولش.. علشان بحبك، ايوه (تضع يدها علي وجهه وتتحسسه بشهوة

(يفضعف الشاب) ايوه بحبك ومش هسيك مهها حصل (وتنطلق صرخة من أم

الشاب التي دخلت فجأة دون أن يراها احد، الام تقترب من الخمسين ترتدي

ملابس سوداء من راسها حتي اخمص قدميها)

الأم: يا لهوي.. يا لهوي.. يا خيبة أملي فيك (وتندفع نحو الشابة بعصية) وانتي

يا حرباية

الشابة: (مذعورة) ارجوكي يا طنط وطبي حسك أحنا ما عملناش حاجة غلط

الأم: (تضرب يديها عي صدرها) كل اللي أنا شفته وسمعته وما عملتوش

حاجة غلط.. أو مال كتتاو بتعملوايه قبل ما أدخل عليكم.. مش مكسوفة من نفسك

يا بجحة رامية نفسك في حضن الواد وهو مكسوف ومطاطي راسه كل ده وما فيش

حاجة غلط يا قليلة الأدب.

الشابة: (في غضب) بلاش غلط يا طنط، أنا مش قليلة الأدب.. عيب البيت ده

أنا أتربيت فيه

الأم: وعشان كده صنتي التربية وحافظتي علي العيش والملح.. حسب الله ونعم

الوكيل فيكي.. مش عاوزه أشوفك تاني أطلعني بره.. بره (تخرج الشابة مندفعة وهي تبكي بحرقة) وأنت يا شيخ راح فين أيهناك

الشاب: يا أمي ما حصلش حاجة

الأم: تاني.. أو مال لو حصل حاجة كان هيبقي شكلها ايه؟!.. ده مجرد وجودكم مع بعض جريمة.. وفوق ده كله دي أكبر منك في السن يبقي من همه أتجوز قد أمه

الشاب: يا أمي...

الأم: (تقاطعها في عنف) اخرس.. ده أنت لسه لا روحت ولا جيت.. دول أكثر من الهم علي القلب.. يا ما قولت لك أن الدنيا زايله والآخرة هي اللي باقية واللي موش هتنوله في الدنيا هتلاقيه في جنة الآخرة، حوريات من جنة عدن.. هه.. جنة عدن اللي فيها ما لا عين رأت ولا خطر علي بال بشرزي ما بيقول سيدنا الشيخ.. هوا ده اللي اتعلمته؟.. واحدة ماهاش لازمة تنسيك ربك

الشاب: (يكاد أن يبكي) لأ.. لا يا أمي.. أنا ما نسيتهش ربي.. أقسم بالله العظيم أن أنا ما استجبت لأي إغواء لا منها ولا من غيرها.. ده حتي لمسه الإيدن بأبعد عنها. عاوزه إيه أكثر من كذا

الأم: عاوزاك راجل.. صالب طولك وما فيش واحدة تقدر علي دماغك (تظهر أعلي يمين المسرح امرأة في الخمسينات ترتدي جلباب أسود).

الجارّة: سلموا عليكم

الأم: عليكم السلام ورحمة الله.. (للشاب) ادخل أنت اتشطف وصلي ركعتين شكر لله أن لحقت المصيبة دي قبل ما تقع (يخرج غاضب)

الجارّة: مصيبة إيه يا أختي كفا الله الشر؟

الأم: ادخل عليهم ألقى البنت المفجوعة بنت جارنا الموظف الكبير حضناه
وعاوزه تبوسه

الجار: أخص علي فجر النبات

الأم: أنا مش قادره أصدق نفسي.. ابني ريته علي الفضيلة من ساعة ما أبوه مات..
كنت أبوه وأمه أقوم أسيبه لوحدة تانية تاخده كده بسهولة ده أنا كنت أكل بطنها.

الجار: واجب عليكى تردي علي أبوها

الأم: (في ذعر) أبوها لا.. لا يا شيخه كله إلا ده.. الراجل بيربي في أيتام هيلحق
علي ايه ولا ايه.. ومهما قلت برضه لحمه هيدافع عنها

الجار: ربنا يستر عرضك.. و(تتوقف الجارة عن الكلام فجأة وتتجه ببصرها
إلى أعلى يمين المسرح كالمشدوهة)

الأم: أنت سكتي ليه؟!!

الجار: أنت مش سامعه حد بيقول آه (الأم ترهف سمعها فتسمع انين ابنها
فتندفع في ذعر يسار المسرح.. لحظات صمت تقطعها صرخة مدوية من الأم).

صوت الأم: يا لهوي.. الحقيني يا أختي واطلبي الأسعاف.. الواد انتحر.

إظلام

المنظر

(المسرح خالي تمام من الأثاث.. في العمق توجد شاشة خيال ظل مقسمة إلى نصفين النص الأيمن مغطي باللون الأخضر ويقبع خلفه مناظر الحدائق غناء وحوار عين وفاكهة.. أي ترسم الحدود الأولية للجنة والنصف الأيسر مغطي باللون الأحمر القاني ويمثل النار حيث تظهر من خلف الشاشة مشاهد التعذيب والصراخ.. في البداية نري مشاهد تقاطعية بحيث يضاء جانب ويظلم الآخر.. يدخل الشاب م أعلي المسرح وفور دخوله تغطي الشاشة ويدخل في إضاءة خافتة تأتي من الكالوس الذي يدخل منه الشاب بحيث تسقط هذه الإضاءة الكالوسية أمامه.. الشاب يدخل وفي يده سيف خشبي يصارع به ظله المتوهم أو الموهوم..

الشاب: ها قتلك

ظل الشاب: (مبارزا الشاب بسيفه) أنت جبان

الشاب: هاخلص العالم من شرك

ظل الشاب: خلص نفسك الأول من شرورها وبعدين فكر في خلاص العالم.

الشاب: أنت البداية

ظل الشاب: لا وأنت الصادق دي النهاية

الشاب: نهايتي خضرا والجنة فيها كل النعم (يضاء الجانب الأيمن)

ظل الشاب: ده عشم إبليس في الجنة (يضاء الجانب الأيسر)

الشاب: الجنة لنا

ظل الشاب: (في دهشة) ليكم!! أنتم مين؟!!

الشاب: (بثقة) القابضين علي النار في الأرض

ظل الشاب: آآآآآآآآآآآآ.. الجائزة أو التمن

الشاب: سميها زي ما تسميها مع أن أنا عارف أنك نفسك فيها

ظل الشاب: جاهل

الشاب: جبان

ظل الشاب: (ساخرا) ايه تعبت؟!!

الشاب: (ببارزه وهو في قمة الإعياء) ده بعدك...

ظل الشاب: واجه نفسك لو مرة واحدة في حياتك

الشاب: نفسي وأنا حر فيها

ظل الشاب: جهلك هو مشنقتك

الشاب: (وقد صدمته الكلمة يحمل عليه في عنف) أنت كداب أنا برى.. أنا ما قتلتيش

ظل الشاب: وكمان قاتل.. هات.. هات

الشاب: (مذعورا) أجيب إيه؟!!

ظل الشاب: اللي جواك

الشاب: أنت مين؟!!

ظل الشاب: (يضحك ساخرا) أنت مين؟ أنت ليه؟ أنت ايه؟! لسه فاكر

الشاب: أنت مين؟! انطق

ظل الشاب: (ساخرا) قاتل ونفسه في الجنة

الشاب: لو ما نطقتش ها قتلك

ظل الشاب: تقتلني علي باب الجنة

الشاب: (وهو في غاية القلق) أنت.. أنت وكيل نيابة.. لا.. أنت مأمور قسم..

لا.. أنت قاضي.. أيوه انت قاضي..

ظل الشاب: (في ثقة) أنا كل دول وما فيش حد في دول

الشاب: سيفي هو اللي هيفك لغزك ويخليك تتكلم

ظل الشاب: بلاش نفرش عتبات الجنة والنار بدمي

الشاب: خلاصي في قتلك (تتابه ثورة عنيفة فيعمل سيفه في ظله طعنا بينما يتراجع

الظل متقهقرا إلي الخلف يخرج من الكالوس الأيمن حيث نسمع ضحكات وحشية

تصدر من الكالوس الأيسر الذي يدخل منه الجلاد وحاملا أيضا سيفه الخشبي).

الجلاد: شفت بعيني محدش قاللي

الشاب: (مذهولا يتجمد في مكانه).

الجلاد: لا وفيين علي باب الجنة والنار

الشاب:

الجلاد: أظن دلوقتي مش هتصدع دماغني وأنا برى.. أنا برى..

الشاب: (متعلثا) ده.. ده.. ده.....

الجلاد: ده ايه؟

الشاب: أنت.. أنت ايه اللي جابك هنا

الجلاد: اللي جالك جانبي

الشاب: (في عبط) متس ممكن طبعاً

الجلاد: هو ايه اللي متس ممكن

الشاب: أن سبب وجودي هنا يكون هو نفسه سبب وجودك

الجلاد: بجد

الشاب: بجد

الجلاد: ويا تري بقه سبب وجودك هنا هو الـ...

الشاب: (يقاطعه في ثثة) والجنة

الجلاد: (بثقة) زي تماماً

الشاب: (يضحك في سخرية) أنت!! أنت تدخل الجنة!!

الجلاد: وليه لأ؟!

الشاب: (بحدة) ده مستحيل.. أنت ناس أنت عملت فيه ايه؟

الجلاد: وأنت ناسي أن ايدك ملوثة بالقتل مرتين. يبقي تدخل الجنة بامارة ايه؟

الشاب: (حائراً) أنا.. أنا

الجلاد: (مقلداً) أنا.. أنا برىء.. أنا برىء.. أنا مش قاتل (يضحك بوحشية)

كفاياك كذب بقه

الشاب: اللي حصل ده كان غضب عني (يفكر لحظة) مجرد دفاع مشروع عن النفس

الجلاد: لغاية أمتي هتنتضل تهرب؟

الشاب: (في دهشة) أهرب!!.. أهرب من ايه؟!

الجلاد: من نفسك

الشاب: (وقد فوجيء نفسي.. (بحدة) نفسي وأنا حر فيها

الجلاد: ده متها لك

الشاب: (حزينا) نفسي.. أنت اللي بتكلم عن نفسي.. نفسي أنت كسرتها يوم ما
هتكت عرضي (يضحك الجلاد بوحشية بينما الشاب يستبعد المشهد فيضع يديه علي
عينيه) شيء فظيع فظيع..

الجلاد: ورغم كده أنا عندي ثقة في ربنا أنه يدخلني جنته

الشاب: علي جنتي دخولك الجنة

الجلاد: (يشهر سيفه في وجه الشاب) يبقى أنت اللي جنيت علي نفسك

الشاب: (يترجع هلعاً إلي الورااء) أنا.. أنا بصراحة.. تعبان

الجلاد: أنت بصراحة جبان

الشاب: أنت عاوز مني ايه.. سجن هناك وسجن هنا.. سجن في الدنيا وسجن

في الآخرة.. يا شيخ الراحمون يرحمهم الله

الجلاد: أرحم نفسك الأول

الشاب: نفسي وأنا حر فيها

الجلاد: كذاب.. الحر ما يخافش

الشاب: (في تردد) أنا.. أنا ما باخفش

الجلاد: (في حدة) طب عيني في عينك كده

الشاب: مش ممكن أكون أنا وأنت في جنة واحدة.. لو الحكاية كده أنا اخرج منها

قبل ما ادخلها.. انا أرفضها من دلوقتي.. أزاى هاتك أعراض يدخل الجنة!!

الجلاد: استغفر الله العظيم. أنت تصادر رحمة ربنا يا جاحل

الشاب: (وكأنه لم يسمعه شاردًا) أنا.. أنا عشت طول فترة شبابي قابض علي الجمر.. عمري ما غلطت.. لا بجيب في سيرة حد ولا بأغتاب حد.. بأصلي وبصوم وبأزكي.. ده حتي الناس في الحته يقولوا أن أنا عامل زي البنت البكر (يتأمل الجلاد وهو شاردًا) وفي الآخر أتساوي أنا وأنت وتدخل الجنة سوا.. مستحيل.. مستحيل.. (يلقي بسيفه الختسي بعيدًا)

الجلاد: (يضحك بوحشية) ياه.. ده أنت إبليس في صورته الأولي

الشاب: (مصدوما من الوصف) اخرس

الجلاد: هو عصي ربه ورفض السجود لادم دا أنت بتعصي أحكامه وعامل نفسك وكيل الله في الأرض ده يدخل النار وده ما يدخلش يا راجل حرام عليك ده ربنا يقول ورحمتي وسعت كل شيء صدق الله العظيم.

الشاب (رهز يتأمله جيد) أنت مين؟

الجلاد: (يضحك بسخرية)

الشاب: أنت مين أنت كمان؟! جلاد ولا حكيم ولا فيلسوف ولا قاضي.. أنا.. أنا ايه.. أنا قاتل ولا مقتول.. ظالم ولا مظلوم.. ساحر ولا مسحور

الجلاد: خرج اللي في نفسك.. وواجه نفسك بنفسك.. زي ما كنت بتواجهها من شويه وقتلتها.. خدها نصيحة من سجان دنيا وأخرة.. يفني ما في القدر ويبقي ما في الصدور

(يضحك بشكل هستيري وهو يتراجع بينما يقف لاشاب بمفرده بعد خروج

الجلاد كالمثال المتجمد)...

الشاب: (لنفسه) يعني ايه نفسي؟! هي فين نفسي!! يمكن تكون نفسي في عقلي ولا قلبي ولا جسمي.. نفسي المسها أشوفها (في حدة) لو كانت نفسي راجل كنت قتـ(بمضغ الكلمة) أنا قاتل ولا مقتول.. ساحر ولا مسحور.. أنا قاتل.. لا.. لا مقتول.. يمكن.. اه يمكن بس مش ممكن أكون قاتل.. مش ممكن (بيكي بشدة في حين نضاء الشاشة الخضراء ليخرج من خلفها مجموعة من الحوريات الجميلات يرتدين زيا موحدا بعضهن يحملن صواني عليها أصناف منتقاة من المأكولات والمشروبات والفواكه.. الشاب يتراجع وهو في حالة ذعر مما يري بيننا نتقدم نحوه أحدي الحوريات كمن تعرفه ويعرفها..)

الحورية: مالك؟! خايف كده ليه.. تعالي.. تعالي.. ما تخافش أنا مراتك

الشاب: (يضحك ببلاهة) مراتي.. بس أنا ما تجوزتش

الحورية: أنت بتتكلم عن الدنيا.. وأنا باتكلم عن الآخرة

الشاب: معقول.. يعني انت الـ الجائزة. آسف اقصد الـ.. التمن.. يووووه..

اقصد مراتي.. (في فرحة) مراتي

الحورية: ايوه مراتك.. يله أقعد (تدفعه ليجلس في منتصف المسرح وهي بجواره

بنيا بقية الحوريات يشكلن نصف دائرة ي المنتصف بعد أن يكن قد اعددن المائة)

علشان أكلك.. دوق دي

الشاب: الله ايه ده

الحورية: ده تين الجنة

الشاب: الجنة جنة برضه.. هناك فرق

الخورية: دوق دي كمان

الشاب: الله.. الله.. ده بطيخ

الخورية: ميته من ميه الحنة.. وحلاوته من حلاوة الجنة برضه

الشاب: (ينظر إليها بأملها من رأسها حتي أخص قدميها) تعرفي أن فيكي شبه

كبير من واحد كنت بحبها قوي

الخورية: أنت شايف كده

الشاب: بصرحة أنا شايف قدامي بدر في ليله تمامه

الخورية: كلامك حلو

الشاب: (يقرب منها متحسسا يدها لكنه يتراجع إلى الوراء فرعاعا ايه ده.. ايه

ده.. انتي هوا

الخورية: (تشارك بقية الخوريات الضحك) لا مش هوا.. احنا من نور

الشاب: نور.. آه.. نسييت

الخورية: علشان تشي جتتنا علشان تحس بينا ونحس بيك لاز...

الشاب: (يقاطعها) ياريت.. ده أنا طول عمري مستني اللحظة دي

الخورية: بس بشرط

الشاب: اشروطي

الخورية: (تخلع شالا أخضر تلقية في وجهه) تغمي عينك بالشال ده وتديني ايدك

علشان تدخل الجنة سوا

الشاب: (في فرح طفولي) ياه ده شرط بسيط قوي (يضع الشاب فوق عينيه

ويحكمه جيدا بينما الحورية تقبض علي يده اليمني متجهة به إلى الشاشة الحمراء حيث ترتفع الشاشة بمجرد وصول الشاب أمامها وتنزل بمجرد دخوله إليها بينما الحورية مع الأخريات يضحكن وهن يتجهن إلى الشاشة الخضراء..).

الشاب: يا.. يا.. انت اسمك ايه صحيح.. انت ما بترديش ليه.. اكيد بتلعب معايا.. هه.. اشيل الشال من علي عيني (صمت) يا.. يا حبيبتى.. انت ما بترديش ليه.. (صمت).. لا مبهدهاش (نري يده وهي تنزع الشال مع ظهور خيالات لشياطين تداعبه).

بسم الله الرحمن الرحيم.. ايه ده.. أنا.. أنا فين.. أنا مش في الجنة أنا أنضحك عليا.. أنا ما استحقش كده ابدا.. خرجوني من هنا.. خرجوني.. لا.. (صرخة مدوية)

إظلام

المنظر

(حجرة شبه مظلمة . الإضاءة خافتة تماما والحجرة خالية من الأثاث أو الديكور . باستثناء نافذه في العمق يدخل منها بصيص من ضوء القمر .. رجل في منتصف خشبة المسرح مرتديا حلة أنيقة وفوق رأسه طاقية بها نقوش غريبة .. رائحة البخور تزكم الأنوف حيث يجس هذا الرجل الانيق أو الشيخ وأمامه أشياء متنوعة مثل البخور والكبريت والخبز المبسوس والزيت الاسود وبعض أغصان الأشجار وبعض الأحجار الصغيرة .. الرجل أو الشيخ ينظر في الافق بغموض ثم يرسم مثلثات علي أرضيه الخشبه أمامه ثم يتعل ناراً مطلقاً ضحكه وحثية تسمع علي أثرها أصوات وهمهمات تأتي من الخارج حيث تظهر الأم والجاره وهما يحاولان اقناع الشاب بالدخول لكنه يرفض في البداية ويتمنع ..).

الأم: (في غضب) لا أنت ابني ولا عرفك لو ما دخلتشن .. يا لهوي .. قلبي وربي غضبانين عليك ليوم القيامة ..

الساحر: (منفعلاً) الصوت العالي يزعجهم .. لا صوت يعلو إلا صوتهم .. ولا صدي يتردد إلا صداهم حي .. (يتمتم بكلمات غير مفهومه بينما تجذب الأم الشاب من ذراعه بعنف ليدخل ويستقر معهم؛

الجارة: العفو والسماح يا سيدنا الشيخ .. (تجثو) العفو والسماح

الساحر: (ينظر اليهم من طرف خفي) اجلسو (يشكلون نصف دائره أمام الساحر حيث يصبح الساحر مركز الدائره) .. مما تشكوا يا ولدي.

الأم: بسم الله الرحمن الرحيم.. عرف علي طول انه هو اللي عليه العين.

الجاره: موش قلت لك يا اختي أنه شيخ مبروك وله كرمات.

الساحر: (انفعال ظاهري) الصمت.. الصمت

الأم: حاضر.. حاضر.

الساحر: اجب يا ولدي مما تشكو

الشاب: (في اضطراب) أنا.. أنا.. أنا.. مفيهاش حاجه يا عم الشيخ (تقف

الكلمة في حلقه ثم يتأمل الأشياء الموضوعه أمام الساحر) ايه ده؟!!

الساحر: (يقاطعه في حده واضحه) لا تسأل بل أجب مما تعاني.

الشاب: (وقد الجمه الخوف) مفيش

الأم: كداب ده لا بياكل ولا يشرب يا سيدنا الشيخ علشان بنت ما تسواش ثلاثة

ابيض أكبر منه في السن. خد على خاطره لما طردهتها ساعة لما شفتهم في الشقه لوحدهم.

استغفر الله (يهز رأسه في ثقه علامة العالم بيواطن الأمور)..

الساحر: فهمت الأمر برمته (يتناول بعض البخور ويلقيه في المبخره فيزداد اشتعال

النار وتوهجها مما يجعل الشاب يتراجع إلي الوراء وهو مأجود مما يري ومما يسمع) يا

بتوح رور موح اجيبوا وعجلوا وذرياتكم بحق سنعلط شموع برهوت برهين اسحيم

(الام والجاره مذهولتان بينما ترسم علامات الدهشة والرعب علي وجه الشاب).

الشاب: أنت بتقول ايه (الساحر في حالة انجذاب يطيح برأسه يمينا ويسارا) أنا

مش فاهم حاجه ايه معني الكلام د...

الساحر: (يقاطعه في عنف) لا تسأل: سر هلاكك في سؤالك لا تسأل (في نعومه)

لا تسال.. لا تسال..

الأم: الغلبة بتاعتك دي هي اللي اذياك.

الساحر: سن اذالك قادر وفاحر وضع له السم في كل طريق عابر اخسني ايتها الأرواح الشريرة اخسني لا تملكيه بل دعيه دعيه يرفرف في الهواء منطلقا كالشباب لا توريه ايتها الروح الشريرة.

الأم: (تبكي بحرقة) يبقي هي المخفية.

الجاره: موش قلت لك يا اختي..

الساحر: سكوت.. سكوت.. الموت.. الموت.. لكل الأرواح الشريرة (الساحر يلقي ببعض البخور بيننا الشاب دخل في حالة انجذاب).

الساحر: عمل معمول وطائر مقتول ولكل مقام قول. اخسني اخسثوا أخرجي اخرجوا (يدخل في حالة انجذاب تام).

الأم: (في حالة خوف) يعي يا سيدنا الشيخ معمول له عمل بصحيح.

الساحر: عمل!؟ وأي عمل.. ده عمل كبير مالوش في العالمين نظير (يشاور بيده اليميني) أنت وأنت.

الأم والجاره: (معا) السمع والطاعة يا مولانا.

الساحر: فلتغادرا الحجرة قليلا بالخارج.. اريده وحده.. حي.. حي (تتراقص رأسه يمينا ويسارا بينما الأم والجاره تخرجان بخطوات سريعة.. بينما يتأمل الساحر الشاب بعينين متوجهتين) حجز.. حجز.. (يفرد الساحر زراعيه وكأنه يحجز بين شخصين في مشاجره محتويا الشاب بذراعيه فيفزع الشاب) حجز.. حجز بين نفسك وبعضها.. لم شتاتها وأوعي تطيع امرها.. حي. حي (يلقي بمزيد من البخور فتزداد النار اشتعالا).

الشاب: أنا.. أنا.. أنا خائف.. خائف.

الساحر: لا تخاف.. لا تخاف.. يا خفي الألفاظ نجنا مما نخاف عرقك بقه مرقك
سوف القي عليك أو امري وعليك السمع والطاعة.

الشاب: (في رعب) حاضر.. حاضر.

الساحر: (يجذبه من ذراعه ليقربه إليه.. الشاب لا يقاوم فيقترب الساحر من أذن
الشاب متمتما بكلمات غير مسموعه).

الشاب: (متوترا) بس.. بس..

الساحر: (في غضب) قلت ايه

الشاب: (مستسلما) حاضر

الساحر: (يقترّب من اذنه ويبدأ في تلاوة همهمات وكلمات غير مسموعه)

الشاب: أصل.. أصل.

الساحر: (في عنف واضح) قلت إيه

الشاب: حاضر.. (يقف حائرا حيث يسود الظلام المسرح تماما ويتغير المشهد

برمته حيث تنتقل من حجرة الساحر إلى احدي الغايات حيث نسمع صوت الشاب

خافتا ومذعورا مما يحدث حوله.. خشبة المسرح تضاء بإضاءة مناسبة للجو الدرامي)

الفجر قرب ينتهي.. (ينتقل بين الأشجار حائرا أو باحثا عن شيء ما) أنا مش فاهم

حاجه.. طب ازاي اعرف اذا كانت الشجرة عقيمه ولا موش عقيمه زي ما قللي

الراجل الغريب ده.. الله يسامحك يا امه انت السبب في اللي أنا فيه ده (يمد يده علي

احدي الأشجار) ممكن تكون هي دي الشجرة وممكن ما تكونش هيه (يتأمل الشار)

ياه الشمس قربت تطلع.. لازم اختار حتا لازم اختار وأنا وحظي (يجري في ارجاء

المسرح ثم ما يلبث أن يقف أمام شجرة ليست بها أوراق خضراء)

هيه دي.. اكيد هيه دي الشجرة العقيمة (يخرج من بين طيات ملبسه آلة حادة ويقزم بقطع الغصن ببطء) بكده أكون نفذت أول أمر من أوامره (يظلم المسرح تماما مع تصاعد انغام الموسيقى العنيفة حيث يعود المشهد مرة أخرى إلي حجرة الساحر الذي نسمع صوته وقبل ارتفاع الاضاءة وهو يكيّل المديح للشاب).

الساحر: لقد انجزت ما وعدت.. رائع.. أول الغيث قطره ثم تتابع القطرات.. اليس كذلك.

الشاب: (مترددا) اه.. اه.. صح.. صح.

الساحر: (يتناول حجرا صغيرا أمامه ويقدمه للشاب) الغصن في يدك اليميني وهذا الحجر في يدك اليسري.

الشاب: (في عفوية) حاعمل بيهم ايه؟!

الساحر: (في غضب) لا تسأل

الشاب: حاضر.. حاضر..

الساحر: والآن.. اخلع ملبسك

الشاب: (وكأنه لم يسمع) هه

الساحر: كما سمعت.. اخلع ملبسك.. لا تناقش أو تتجادل

الشاب: (في ذعر) بس.. أنا مش فاهم أخلع..

الساحر: (يقاطعه في عنف صارخا) اخلع ملبسك يا ابله

الشاب: يبدأ في خلع ملبسه ببطء الله يسامحك يا امه

الساحر: اجلس أمامي (الشاب يجلس) الآن قم برسم مثلث كبير متساوي
الساقين (الشاب يبدأ في الرسم)

الساحر: (متأملاً ما رسم) عظيم (يشاور بيده) ضع نقطة سوداء علي قاعدة
المثلث (في هذه اللحظة يخرج الساحر من بين طيات ملابسه مشرطاً ثم يقوم بتناول
يد الشاب بعد انتهائه من الرسم جارحاً يده اليمني ومفجراً منها الدماء حيث يبقي
الشاب في وضع ذهول) التقط الآن الحجر الصغير وأغمسه في الدماء ثم ضع الحجر
وسط المثلث (الشاب يفعل ما يؤمر به.. بينما يهب الساحر واقفاً كمن لدغه ثعبان
فيتنفض الشاب في تلك اللحظة حيث يخرج الساحر ورقه مطويه يناولها للشاب مع
الحجر الذي غمس في الدماء) الآن تستطيع أن ترقص وتغني وتفرح بالحجر وبالعقد
الشاب: (مندهشاً) عقد

الساحر: نعم العقد ارقص الآن وغني

الشاب: (في شك يبدأ في الرقص مرتجلاً مع الرقص كلمات حزينة) يا ريتك يا ابيه ما
اخذت امي آه.. آه.. آه كنت استريحمت وزال همي.. آه.. آه.. آه..

الساحر: هل هذا غناء يا معتوه أم عديد

الشاب: اشمعني الغناء اللي انا حاختره.. اختر انت الكلام وأنا أقوله علي طول
الساحر: هذا أفضل.. سأردد كلمات وتردها ورائي بصدق واحساس.

الشاب: بصدق واحساس

الساحر: اتوسل إليك بكل ما هو غالي ونفيس

الشاب: اتوسل إليك بكل ما هو غالي ونفيس

الساحر: أن تجيبي إلي ما طلبته ولا تردني خائبا وتعيس

الشاب: أن تجيبني إلي ما طلبته ولا تردني خائبا وتعييس

صوت من الخارج: لقد استجبت.. لقد استجبت.. يكف بهذا (الشاب نتابه حالة من الذعر فيختفي خلف الساحر إذ ذاك يظهر الجلاد الشيطان مقتحما خشبة المسرح مرتديا جلبابا قديما ومغطيا رأسه بقلنسوه)

الشاب: أنت.. أنت جيت منين.. أنا فين (الساحر يضحك بشده)

ده.. (متأملا الجلاد) ده.. ده.. شبه الجلاد اللي.. اللي..

الجلاد: (يضحك بوحشيه) ايوه أنا اللي.. ايه هيه الجنة ما عجبتش سيادتك قلت تيجي تصيف هنا وترجع تشتي في الجنة (الساحر يضحك)

الشاب: أنت جاي ورايا هنا ليه حرام عليك

الجلاد: حرام علي أنا.. أما أنت شاب مستفز صحيح.. بقه انا اللي رح الغابه وقعدت أدور علي شجره عقيمه علشان اقطع غصنها. وأنا برضه اللي قالع هدومي وواقف شبه عي.. انا اللي جرحت نفسي (الشاب يتأمل بينما يتقدم الجلاد من الشاب ويأخذ الورقه المطويه التي يقبض الشاب عليها بيده) وأنا برضه اللي كتبت العقد ده علشان ابيع روحي للشيطان في سبيل أن أنا أبقي ساحر وقادر

الشاب: (وهو غير مصدق) لكن أنا ماكتبتش حاجه.. أنا ما اعرفش حاجه هو..

ايده هو.. انت ليه عملت كده

الساحر: (وهو يخرج قلما من بين طيات ملابسه) خلاصك في العقد ده كل متع الدنيا حتلاقيها حور عين.. أموال.. قصور.. صحه.. كل ما تتخيله ولا تتخيله يأتي إليك زاحفا ستصبح خلال دقائق ساعدي الأيمن ستخلص من خوفك وقهرك وضعفك سيخافك الكبير قبل الصغير (الساحر عن يمين الشاب والجلاد الشيطان

عن شمال والشاب بينهما يقف مذهولا) وقع واركع ثم لا تبالي بشيء.

الجلاد: اخيرا حيتم التصالح بينا (يخطف القلم من يد الساحر ويتناوله للشاب الذي يظل لمدة قليلة ناقلا رأسه بين الساحر والجلاد ومتأملا إياهما في قسوة ورعب)
الشاب: (يتحسس القلم ثم يدفع الساحر والجلاد بقوه فيقعما علي الأرض بينما يتطلق الشاب خارج المسرح وهو يردد) لأ.. لأ.. كلة الا ده.. كلة الا ده.. امه الحقيني.. الحقيني يا أمااااااااه.

إظلام

المنظر

(حجرة الصالون بمزل فقير.. الأثاث بسيط للغاية مجموعة من الكراسي متناثرة فوق أرضية الحجره التي امتلأت حوائطها بآيات قرآنية من الذكر الحكيم.. الأب يجلس وأمامه منضدة صغيرة فوجها كوبان من الشاي وبجواره يجلس الرجل العجوز...).

الأب: (بفرح شديد أحنا متشكرين علي خدمة العمر الي قدمتها لنا يا سي الأستاذ ومهما قلت ولا عملت مش هاقدر أوفي جميلك ده خالص.

الرجل العجوز: (متصنعا التواضع) يا راجل ما تقولش كده أنا ما عملتش حاجه الأب: كل ده وما عملتش حاجه!!... دي من ساعة ما اخدت الدبلوم وقعه في البيت وهي مكتتبه ولو افرصة العمل الي جت عن طريقك في مكتب البوسطة الي انت ماسكه كان زمانها بتوصل ليلها بنهارها في قصيدة الاكتاب

الرجل العجوز: ربنا ما يجيب اكتاب ابدأ.. أنا ما عملتش غير الواجب وبتتك وشها فيه القبول في كل حاجه.

الأب: أعمل ايه؟ يه سي الأستاذ وأنا زي ما انت عارف لا اتعلمت ولا حاجه والكشك الصغير الي عبي ناصية الشارع يدوبك بيأكلني أنا والخمس هموم الي عندي الرجل العجوز: قصدك الخمس قمرات (يقف) أستاذن انا بقه

الأب: (يقف) ما يصحش اتغدي معانا

الرجل العجوز: يوم جواز المحروسة حورية

الأب: (وكانه يتذكر) اه صحيح قبل ما تمشي البت تيجي تشكرك يا حورية..

حورية (تدخل حورية وهي نفس الشخصية التي ظهرت بالمشهد الخامس بالجنة والنار وتحدث مع الشاب) اشكري الأستاذ يا حورية
حورية: أنا.. أنا متشكرة قوي.. ألف.. ألف شكر

الرجل العجوز: (ملتها جسد حورية من أسفل إلي أعلي) لا شكر علي واجب احنا خلاص بقينا زملا في العمل (يضحكون) عن أذنكم.. سلام عليكم (يندفع خارجا)
الأب: (وهو يخطو خطوات خلفه) وعليكم السلام (مع السلام) مع السلامة يرتمي علي الكنبه الموضوعه في عمق المسرح فتأتي إليه حورية فرحة مستبشرة محتضنه والدها) ادي الوظيفة والحمد لله رب العالمين.. عقبال ما اطمن كمان عليك في بيتك..

حورية: (بخجل) لسه بدري يا بابا

الأب: (يزيحها برفق) بدري؟! (يتنهد) أنا لسه بعدك في رقبتى اربعة..

حورية: هموم

الأب: مش قصدي يا بنتي الحياه بقت صعبه وحالنا..

حورية: (تقاطعها) الحمد لله يا بابا

الأب: ونعمة بالله احنا هنقلب الحكاية حزن ليه ده احنا ما بنصدق نفرح مبروك الوظيفة

حورية: بصراحة لولا الاستاذ عمري ما كنت اتوظفت.. الظاهر أنه مهم

الأب: ربنا يكرمه.. هي دي الرجالة بحق وحققي اللي تقدر تفتح بيوت وتستر

بنات (صوت نحنحه تخترق اذا منها فيلتفتا ليجدا الشاب علي عتبة الحجره حاملا

مجموعة من الصحف بيده اليمني)

الأب: (يقف ليصافحه) أهلا.. أهلا بحبيبي وابن حبيبي

الشاب: ازيك يا عمي (يتأمل حورية في وله) وانتي.. انتي عامله ايه يا حورية؟

حورية: الحمد لله

الاب: باركلها يا سيدي

الشاب: مبروك (مندهشا) بس علي ايه؟!!

الاب: أتعينت في البوسطي بتاعتنا

الشاب: حقيقي؟!.. ده خبر جميل.. مبروك

حورية: متشكرة قوي.. أنا كنت واثقة أنك أنت أكثر واحد هيفرحلي

الاب: (بصع يده علي رأسه) ياه.. أنا دماغي مصدعة قوي النهارده معلش يا

أستاذ هاخلف ميعادي الأسبوعي النهارده والأحسن اقرا لحورية الجرايد وبعدين

هيه تبقي تقولي عليها

حورية: (بخوف) أنت كويس يا بابا

الاب: بمب بس محتاج أنام شويه

الشاب: حيث كده.. أروح أنا.. ما فيش

الاب: (مقاطعا) يا ابني حورية دي زي اختك أنت عارف أن ما فيش شاب بادخله

هنا علشان البنات أما أنت فحالة نادرة في الأدب ربنا يهديك.. أقعد.. باقولك اقعد

(الشاب يجلس وهو في قمة الخجل بينما يستدير الأب ويخرج).

حورية: لو قعدت ساكت زي كل مرة هاسيبك وادخل المطبخ

الشاب: أصل.. أصل..

حورية: علي فكرة أنت بتحسني أن أنا الراجل مش أنت (يبدو علي ملامح

الشاب الضيق) أنا آسفة.. بس أنت بتنكسف زيادة عن اللزوم

الشاب: (عفوية) أنتي كل حاجة في دينتي

حورية: يااه.. اخيرا نطقت بكلمة.. الحمد لله.. فيه تقدم

الشاب: (يتأملها بدهشة من أسفل إلى أعلى)..

حورية: (تنظر لنفسها جيدا) ايه أنت بتبص عليا كدا ليه.. فيه حاجة غلط؟!!

الشاب: أنا زعلان منك

حورية: زعلان مني؟!.. أنا!!!

الشاب: يا سلام.. هتعملي نفسك مش عارفه

حورية: (بدهشة) أنا مش فاهمة حاجة!!

الشاب: فين الاشارب الاخضر

حورية: ايشارب اخضر ايه؟!!

الشاب: اللي أنا اخته منك علي باب الجنة والنار

حورية: (في رعب) علي باب ايه؟! الـ...

الشاب: (في ثقة) آه.. علي باب الجنة والنار مالك مرعوبة كده ليه؟

حورية: لا مافيش (تلتفت حولها) أنت أكلت ايه النهارده

الشاب: (بعفوية) أكلت بطاطس محمرة وبطاطس مهروسة وجنبهم بدنجان مخلل

حورية: (وكأنها اكتشفت سرا) بس يبقي هو البادنجان المخلل.. اكيد التوم

الكثير هو اللي عمل فيك كدا.

الشاب: (مدهوشا) عمل فيه ايه؟! أنا كويس اداك اهو

حورية: (تلتفت حولها) آه.. آه.. كويس من جهة كويس فأنت كويس.. باقولك

الاحسن اقرأ الجرايد علشان انقي ابلغ بابا بالاخبار المهمة

الشاب: خلي القراية بعدين.. بعدين.. أصل أنا نفسي افضل.. افضل.. افضل

حورية: لا حول ولا قوة الا بالله فيرجع يتهتهه تاني

الشاب: مافيش تهتهه ولا يحزنون اصل أنا نفسي أفضل جنبك

حورية: (تبتسم في خجل) ايوه كده.. اتعدل

الشاب: بس علي فكرة أند مازلت زعلان منك

حورية: (تعجب) ليه تاني!!

الشاب: علشان مشيتي بدون ما تنتظريني امبارح

حورية: أنا بقالي اسبوع ما شفتكش

الشاب: يوم خلتيه اسبوع

حورية: أنا امبارح ما شفتكش خالص لاني كنت باكمل اجراءآت تعيني

الشاب: يا سلام!!

حورية: لا.. انت حقيقي النهارده مش طبيعي خالص

الشاب: افهم من كده انك بتنكري انك قابلتيني امبارح علي باب الجنة والنار

حورية: (تقف في غضب) جنه ايه ونار ايه.. ايه الكلام اللي انت بتقوله ده

الشاب: (وقد تراجع خوف منها وعليها) الله.. الله انتي زعلتي ولا ايه؟

حورية: اصلك بتقول كلام ما يدخلش العقل خالص

الشاب: (مترددا) طب ما ترعليش نفسك يجوز أنا غلطان

حورية: ده مافيهاش بس يجوز.. انت غلطان

الشاب: (في ضعف) غلطان.. ايوه غلطان

حورية: اقعذ وقفت ليه؟

الشاب: (يجلس) طب ممكن اطلب حاجة ثانية بدون زعل

حورية: (قد نفذ صبرها) اطلب بدون زعل

الشاب: ممكن توريني الاشارب الاخضر اللي غميتي عينيه بيه قادم اللجنة

حورية: (في غضب) احلف لك بالمصحف اني ما عندي ايشارب اخضر خالص ولا حتي شفت وشك امبارح انت ايه اللي حصلك يكونش اتحسدت يجوز.. يجوز اصل كل الحته بتحلف بعقلك وادبك

الشاب: يتراجع الي الوراء بفعل ثورتها يجوز.. يجوز.. كل شيء جازي في الزمن

ده.. مافيش جنة.. مافيش نار.. يقي مافيش ايشارب اخضر

حورية: (بسخرية) اوعدك ان أنا هاشتري في جيهازي ايشارب اخضر علشان

خاطرك يا سيدي (تبسم نصف ابتسامة) احمر وابيض واسود كان

الشاب: (بعفوية) لا أنا ما بحبش الألوان دي كلها أنا عاوز الايشارب الاخضر

حورية: لا.. أنت مش هينصلح حالك الا لما اصحي بابا هو اللي بيعرف يتصرف

معاك (تنادي) يا بابا.. يا بابا

الشاب: (يقرب منها وهو يتوسل اليها) أنا هاسكت هاسكت خالص

حورية: (لا تعيره اهتماما) يا بابا.. يا بابا..

الشاب: (وهو يندفع إلي الخارج) لأ

اظلام

المنظر

أنفس حجرة مكتب الشاب حيث يجلس الرجل العجوز في مكانه المفضل وهو خلف المكتب واضعا جاكته بدلته فوق الكرسي ومتأملا ومتفحصا بعض الأوراق والكتب الموجودة فوق مكتب الشاب.. الرجل العجوز يقف فحأة علي تساؤل من الشاب..).

صوت الشاب من الداخل: قهوتك ايه؟

الرجل العجوز: (وهو يجلس) سادة كالعادة

الشاب من الداخل: حاضر. ثانية واحدة (يدخل الشاب حاملا صينية بها كوب ماء وفنجان من القهوة) أحلي فنجان قهوة لحضرتك. هو حضرتك بتشرها سادة ليه (وقد وضع الصينية أمامه)

الرجل العجوز: (وهو يرتشف رشفة) مزاج

الشاب: (بدون وعي) آه.. مزاج

الرجل العجوز: (يضع الفنجان بسرعة) أنا وقفت لغاية فين

الشاب: (متذكرا) وقفت.. وقفت.. آه.. وقفت عند كلمة أنا تاريخ يا ابني..

الرجل العجوز: عليك نور عند أنا تاريخ يا ابني.. أنا بقالي ٦٥ سنة علي المتعة دي

انتقل من زهرة لزهرة ومن غصن لغصن ومن شجرة لشجرة ومن فاكهة لفاكهة..

(ياخذ شهيقا زفيرا)

الشاب: (وهو يلهث) كنت بتعمل اللي أنت بتعمله ومراتك عايشة

الرجل العجوز: (ملو حا بيديه في الهواء) يووووووووه كثير

الشاب: يعني .. يعني أنا من حقي أني .. أني أبوس اللي أنا بحبها

الرجل العجوز: (يضحك بهستيريا) ياه .. هو أنت لسه ما بستهاش

الشاب: (بعفوية) لا .. أخاف

الرجل العجوز: من ايه؟!!!

الشاب: أصل أصل .. أنا مش متصور أن أنا ممكن يجي يوم وأبوس أي واحدة ..

أخاف .. أخاف .. لا خدش حياة

الرجل العجوز: (ساخرا) تخدش حياة .. هي ازاز هتخشده ولا تكسره .. قد ايه

انت بريء .. بريء قوي .. علشان كده أنت مستودع أسراري .. علي فكرة بقه البنات

ما تحبكيش الا اذا خدشت حياة وكسرت نفسها كمان .. الواحدة ما تحبش الا اللي

يلاعبها ويدلعها ويناورها ويضحك عليها أفهم بقه أنا بقالي سنين بافضفض معاك

بقصص ملهاش أول من آخر لازم تكون استفدت من تجاربي .

الشاب: بس أنا ماليش تجارب زيك

الرجل العجوز: خالص؟!!!

الشاب: خالص .

الرجل العجوز: ولا واحدة

الشاب: ولا واحدة

الرجل العجوز: يا صبرك.. ده أنت جبل.. ازاي قادر تعيش وأنت شاب وفي مقتبل العمر

الشاب: حكاياتك هي اللي بتهون عليا وبتخليني كمان استمتع

الرجل العجوز: (يفهم ما يرمي اليه) اه انت بعد ما امشي بتمارس العادة السرية

الشاب: (يطرق بوجهه في الأرض خجلا)..

الرجل العجوز: مكسوف ترد.. كأنك رديت.. أنت كنت بتسأل من شويه عن

المتعة في الحاجات ديه.. يا سيدي اذا كنت أنت بتتمتع قيراط من نفسك لما تعلم

العادة السرية بالمتعة مضاعفة ألف ألف.. مرة لما تكون مع أنثي.

الشاب: نفتكر كام مرة اتمتعت بيهم

الرجل العجوز: (وقد جذبه السؤال) ياه ما تعديش أنا ما خلتش تلت تربع

المنطقة هنا ليهم معايا غراميات ده غير بعيد عنك الاحياء المجاورة بنات وستات

عشان كده ما اظنش أني أقدر أقولك ع العدد بالمضبوط

الشاب: (مترددا) أنت.. كنت بتتجوزهم الأول وتمتتع بيهم وبعدين تطلقهم

الرجل العجوز: أتجوز مين ولا مين.. ولا واحدة من دول أتجوزتها

الشاب: (وقد فوجيء) بس أنت كل تجربة كنت بتقولي بأعرض الجواز في الأول عليهم..

الرجل العجوز: ما هو هو ده الطعم اللي بجيب السمكة علي وشها

الشاب: وبعد كده

الرجل العجوز: بعد كده شىء شىء طبيعي كلتها ثم بعثها

الشاب: بس كده حرام

الرجل العجوز: أنت هتفضل لحد أمتي رومانسي.. أنا عمري ما غصبت واحدة علي حاجة.. أهم حاجة علشان تقدر تسيطر الواحد أنك تدخل عقلها الأول وبعد كده تلعب علي الوتر الحساس لعبت بعقلها يعني دخلت مزاجها وبكده تقدر تاخذ كل شيء اتعلم بقة.

الشاب: ياه كل الاسرار دي حكايات لناس أنا أعرفها

الرجل العجوز: ايوه لانك الوحيد اللي بيستريحه وباحس أني بأكلمه كأني باكلم نفسي ثم انك ما بتقاطعنيش وده المهم واحلي حاجة فيك أنك ما عندكش تجارب علشان تقاطعني وتستفزني بتجاربك أنت بتسمع وبس وده في حد ذاته معجزة النهارده اصل ما فيش حد بيسمع حد النهارده وده لو فرض وسمعه بعد شويه يفضحه ولا مؤاخذه.

الشاب: واضح أنك خبرة مش بس في الحاجات دي لا في الحياة كمان.

الرجل العجوز: أنا شعري ما شابش من شويه.. شيبته الايام والليالي.. طب اسمع أهو حاجات بيتيجي في سكة الواحد وهو قاعد مكانه آخرهم موظفة شابة وجميلة اتعينت عندنا اليومين اللي فاتوا.

الشاب: طب دي فيها ايه يعني؟

الرجل العجوز: لأ حلمك علي بس شويه أنا قبل النهارده ماشفتش جمال ولا دلال بالشكل ده تحس أنها جايه من كوكب ثاني واحده لسة ما اتلمستش.. عارف يعني ايه الاحساس ده؟ احساس ممكن يدفعك للجنون أنك تكون أول راجل في حياتها ولمسة حتسلاها ولا بوسه هتساها.. ملاك.. ملاك نازل من السما.. في

البداهة خطفتني قلت لأيا واد دي حاجة صعبة المنال.. لكن الخبرة في الحياة زي ما
سفرنا كان هيا عامل الجذب. شابه وعييتها بالواسطة من هنا كان المدخل يا استاذ
(يصحك وينك رباط عنه في حين يتراجع الشاب الي ركن قصي بمقدمة المسرح
جانسا القرفصاء وهو في شاية التوتر وفور جلوسه تدخل حورية وهي في قمة تأنقها
الخجل يبدو عليها بينما الرجل العجوز يهرول مسرعا لاستقبالها واضعا الكرسي
الذي جلس عليه الشاب بجانب كرسيه خلف المكتب في حين نسمع شهقه مختنقه
من الشاب فور رؤيته لحورية محبوبة).

الرجل العجوز: (ينتظر في ساعته) أنا حبيت آآخرك النهارده عشان أعلمك
الشغل

حورية: أنا تحت امر حضرتك

الرجل العجوز: ياه الحمال ده كله تحت امري انا بصراحة انا ما استحقش

حورية: أنت تستحق كل خير كفاية اللي انت عملته

الرجل العجوز: ما حش اسمع الكلام ده ابدا (يضع يده فوق يدها فتسحبها في

خجل) اصلك غالية عندتي اوي بس يا خسارة

حورية: خسارة ليه

الرجل العجوز: اصل انا راجل كبير في السن ومؤكد ما اعجبش بنت صغيرة

في سنك

حورية: (لحظة صمت ثم تنظر في عينيه) مين قال كده حضرتك لسه شباب

الرجل العجوز: (في نرحة) صحيح

حورية: صحيح أنا احترف بنات كتير تتمني تتجوز راجل كبير في السن وفي المقام

زي حضرتك

الرجل العجوز: (وهو يصطنع البراءة) ياه بس يا خسارة

حورية: خسارة تاني ليه

الرجل العجوز: لأن بصراحة ما يهمنيش في العالم كله إلا واحدة اتمني يكون

رأيها زي رأي البنات اصحابك

حورية: يا تري هي مين

الرجل العجوز: (يطوقها بذراعيه) أنت (تقف وتسير معه إلى خارج المسرح

كالنومه وفور خروجها نسمع آهات وهمهمات علي اثرها يقف الشاب ويتجه إلى

المكتب مدهولا بينما يدخل الرجل العجوز وقميصه مفتوح متأملا الشاب في نشوة

وسعادة حيث يجتمع علي الكرسي الخلفي للمكتب منهك القوي.

الشاب: ينظر اليه بحقد شديد ويدور حوله حتي نهاية المشهد

الرجل العجوز: خلصت وخلصت مؤكد أنا هعتزل بعد التجربة دي لأن

ما اظنش هايبقي فيه قلبها ولا بعدها (يتأمل الشاب الذي يدور حوله فاعتدل في

جلسته) مالك عمال تلف رايح جاي ليه

الشاب: (يتأمله في حقد ويظل يدور حوله)..

الرجل العجوز: أنا قلتلك اتعلم من حكاياتي هاتبقي دنجوان عصرك واوانك

انت وسيم وجميل

الشاب: (يدور حوله متأملا اياه بعينين متوهجتين بالشر)..

الرجل العجوز: انت اكيد تعبان من الافضل انك تدخل تنام علشان تستريح

شوية

الشاب: (يقف في مواجهة صارخا) ليه

الرجل العجوز: (يقف ويتراجع الى الوراء في ذعر) ليه ايه فيه ايه يا بني

الشاب: (وهو يطوح بالكتب الموجودة علي المكتب أنا لو ابنك ماكتش قتلتي

الرجل العجوز: قتلتك أنا قتلتك أنا

الشاب: (في بأس) ايوه انت قتلتي وسرقت عمري وسرقت فرحتي لو ست

اجمل واطهر شيء في حياتي

الرجل العجوز: (شاعر بالخطر) أنا مش فاهم حاجة خالص

الشاب: اللي مات ضميره لا يمكن يفهم شيء جميل اسمه الطهر أو العفه من كل

بنات الدنيا ما اخترتش غير حبيبي حورية

الرجل العجوز: (وقد اذهلته المفاجأة) هي حورية تبقي..

الشاب: (ناظرا إلي كوب الماء بشدة) اطهر من شفت واطهر من رأيت لوستها

لوستها وهتكت عرضها

الرجل العجوز: (في ارتباك) هي هي هي

الشاب: اخرص ماتنطقش كل كلماتك عهر وكل افعالك نجاسة انت

ماتستحقش تعيش لحظة واحدة

الرجل العجوز: (مرتعشا) لأنت زودتها اوي

الشاب: أنا زودتها يا انجس ما خلق ربنا (يلتقط كوب الماء ويقرفه به في وجهه

حيث يتجمد الرجل العجوز مكانه من فرط المفاجأة بينما الشاب يكسر كوب الماء

ويحتفظ بقعر الكوب الحاد كآلة يهدد بها الرجل العجوز) انت اللي زيك ما يستحقش

يعيش لحظة واحدة انت قتلتي فلانم اموتك

الرجل العجوز: (وهو يجري في الحجرة) أنا أنا أنا أنا موافق اني اتجوزها بحق
وحقيقي. علشان خاطر ك بس بلاش السلاح اللي في ايديك ده

الشاب: ابقى مجنون لو سبتك تعيش لحظة واحدة بعد ما قتلت كل شيء جميل
جواي يا جبان مارحمتش بنت بنوت قد بنتك بنتك اللي انا صوتها لك رغم قلة ادبها
الرجل العجوز: اخرس يا ابن الـ (الكلمات تقف حلقه)

الشاب: (ملوحا بكعب الكوب) كمل يا ابن الايه نصيحه من شاب مالوش اية
خبرة لا في الحياة ولا في النسوان كما تدين تدان واللي عملته في بنات الناس هايترد في
المحروسة بنتك

الرجل العجوز: (في حالة اشبه بالبكاء) اخرس

الشاب: أنا مش هاحلف علي مصحف كام مرة بنتك عرضت نفسها علي وانا
استحي آجي جنبها خوف من الله و...

الرجل العجوز: (ثائرا) أنت كذاب بنتي اشرف منك ومن اللي خلفوك ومن
مليون واحدة من عينة حورية بتاعتك (الشاب يهجم بسرعة البرق علي الرجل
العجوز ويضعه في صدره فيسقط مدرجا في دمايه)

الشاب: (يتأمله في حقد) اخرس يا انجس ما خلق ربنا حورية طاهرة.. حورية
طاهرة.. طاهرااااه

إظلام

المنظر

الشاب متكوم وسط الزنزانة.. نور القمر يملأ المكان.. الشاب يتقلب ذات اليمين وذات اليسار.. جميع الشخصيات المسرحية باستثناء حورية والرجل العجوز.. يدخلون بالتتابع في بداية هذا المشهد بحيث يتأملهم الشاب واحد تلو الآخر والشخصية تظهر فجأة كنظام عام من بداية المسرحية وحتى هذا المشهد فالغموض صفة سائدة منذ البداية.. يدخل السجنان فتسلط عليه إضاءة مناسبة - وكذلك مع باقي الشخصيات - الشاب يرفع رأسه قليلا بعد دخول السجنان ثم يدخل الساحر فالأم والجارة ومدرس الدين وعفاف ورمزي والأب.. الشاب يهب واقفا مذعورا حينما يري الجمع حوله يحيطونه من الجانبين وهم يتظرون إليه في غضب مكبوت..).

مدرس الدين: (غاضبا) تعرف عقبة من قتل نفس بغير نفس

الشاب: أنت اللي بتتكلم في الدين يا قليل الدين يا بتاع اللس... (يتحسس

صدره بيده) صحيح اللي اختشوا ماتوا

عفاف: اخص عليك قليل الرباية والعلم حد يكلم أستاذه كدد.. قال وأنا قلت

ش ممكن تقتلت أبدا

الشاب: (يضحك في سخرية) ويقوم بتقليدها آه.. أبدا أبدا أبدا

عفاف: (تشعر بالاهانة والتعريض) أنت حيوان مريض وقاتل

رمزي: (في غضب) طول عمره مستهتر وشخص غير متزن وغامض.. فلازم

يقي في الحالة دي قاتل قاتل

السجان: (يميل عليه وفي أذنه بيث سمومه) أعدائك بقوا كثير، مش لو كنت سمعت كلامي ومضيت العقد كان زمانك ملك تؤمر فتطاع

الساحر: (يزغده في جانبه الأيسر) فقري لا يعشق النعمة كما نعشقها نحن

الشاب: (صارخا) آه يا سفله يا كفره عاوزني أبيع روعي للشيطان علشان أرضيكم.. طب أنتم ما عندكوش لا ذمه ولا ضمير.. ازاي أنا ارتكبت خطيئة الشرك بالله.

الجاراة (في غضب) لا ده أنت ذوتها قوي وختلتها بقت خل.. العفو والسماح يا

مولانا

الشاب: ده مولانا ده.. ده شيخ منصر ده دجال.. ده يا خالتي قتله حلال

السجان: (يضحك) الظاهر ان القتل بقه عندك هواية

الأم: (بحزن) يا ابني أعقل ووحده الله.. حرام عليك نفسك مش كفاية اللي

عملته فيها

الشاب: (في حدة مفاجئة) أنتي السبب

الأم: (تلطم علي صدرها) أنا؟!.. يا لهوي

الشاب: ايوا أنتي.. أنتي اللي وصلتيني كل لده

الأم: (من خلال البكاء) أنا يا ابني ده أنا بأتمني..

الشاب: (يقاطعها في عنف) أوامرك ونواهيك هي اللي عملت مني إنسان

مشوه.. إنسان ما ينفعش يتتمي لاي عصر حتي ولو العصر الحجري (بيكي)

الأم: (تحتضنه) إيه اللي أنت بتقوله ده.. أنت سيد الناس كلها ده كله عملته لأنني

خايفة عليك

الشاب: (يفلت من بين ذراعيها) الله.. يلعن ابوه

الأم: (في ذهول) هو امين يا ابني؟؟!!

الشاب: الخوف

الأم: الله يساعك يا ابني كان لازم أعمل معاك كدا أنت وحيدي فاتك بوك صغير وأترملت أنا بدري من بعده كان لازم أحاجي عليك وأخاف عليك كان لازم اعمل كده

الشاب: (في تحدي) خوفك ده خلاني جبان مش انسان بالمره انه بتتحرك حسب مزاجك.. قتلتني مشاعري جوايا وكتمتي أحاسيسي علشان ارضيكي وأدي النتيجة موج يسلمني لموج واعصار يسلمني لاعصار لغاية ما قتلت ابوه قتلته لان ديله نجس (الجميع يضحكون)

الأب: (يتقدم من الشاب في حزن شديد وهو يحمل في يده الاشارب الأخضر) خد يا ابني آخر شيء كان نفسك فيه يضع حول رقبتك الاشارب الأخضر) يا خسارة يا ابني ماكانش العشم فيك.

الشاب: (في يأس) حتي أنت يا عمي.. أنت المفروض أكثر واحد يفهم أن أنا.. أنا.. أنا بريء.. صدقني سحرتني فقتلته ما قدرتش أهرب من سحره.. سحره كان أقوى من سحر الفاجر ده (يشير إلى الساحر) والداعر ده (يشير إلى السجان) وعشان كده قتلته لا.. لا.. أنا.. أنا.. أنا ايه.. أنا ساحر ولا مسحور أنا قاتل ولا مقتول أنا ايه؟.. أنا ايه يا عمي رد عليا

الأب: (في هدوء) ندمان يا ابني

الشاب: (صارخا) لا.. أنا مش ندمان أني هاموت علشانها.. (في حزن) أنا بس.. بس حزين اني مش هابقي راجلها.. خسارة.. يا خسارة يا حورية يا خسارة يا أظهر

مخلوق علي وجه الأرض (في تلك اللحظة يدخل الرجل العجوز من يسار المسرح بينما تدخل حورية من يمين المسرح بنفس ملابس مشهد الجنة والنار ويلتقيا في مقدمة المسرح وهما في حالة وجد وعشق شديدين.. حورية تفرد ذراعيها وتطوف بهما عنق الرجل العجوز بينما الشاب في حالة ذهول مما يري وباقي الشخصيات متناثرة علي الجانبين)

حورية: وحشتني

الرجل العجوز: وأنتي كمان

حورية: (تأمل وجهه) ياه صغرت عشرين سنة

الرجل العجوز: حقيقي!

حورية: حقيقي

الرجل العجوز: سامحيني

حورية: مسمحاك

الرجل العجوز: تتجوزيني

حورية: أنا باءراك (تنز موسيقي أتمخراطي يازينة في حين يندفع الشاب لمهاجمه حورية والرجل العجوز فيتصدي له الساحر والسجان ويقومان بتوثيقه بالحبال في وسط المسرح ثم يتقدم الأب في خطوات وثيدة ويلتقط الايشارب الاخضر من يد الشاب ليضعه كعصاة حول عينيه مع نزول موسيقي مناسبة لهذا الجو وتنزل المشانق التي بدأت بها المسرحية.. الجميع يصنعون نصف دائرة حول جسد الشاب المنهك)

الشاب: (في ذهول تام) ده.. ده.. ده.. ما.. ما.. ما.. ما.. ما.. (الجميع يضحكون

باستثناء الأم)

مدرس الدين: (وهو يتحسس طريقه إلي الشاب) هكذا سخطك المولي نتيجة

لتناولك علي يا أحمق

السجان: ما تقلقش ما تقلقش دي فرفرة قبل ما تدبح

الشاب: (يصرخ) ده.. ما ماتش.. اسمعوني.. أنا مش عاوز أموت.. محدش

يستحق.. محدش يستحق.. مش ممكن أموت فطيس الحقييني يا أمي

الأم: (في حزن) ياريت يا ابني كان بأيدي

الشاب: (في فزع) أو مال بأيد مين.. حرام عليك.. حرام عليك (الساحر

والسجان يمسكان الشاب ويدفعانه إلي النافذة حيث توجد مشنقة جاهزة تلتف

حول عنق الشاب الذي يصرخ دون جدوي وفور أحكام المشنقة حول رقبتة

(تظلم خشبة المسرح تماما ولا نسمع إلا ضحكات الشخصيات وصرخات

الشاب صمت تام ثم تنزل موسيقي مناسبة للحالة الدرامية للمشهد. كما يجب علي

المخرج أن يجعل من نقله اللوحة القادمة نقله حادة جدا بحيث يفاجيء المتلقي بأنه

قد أصبح في مكان مغاير للسجن بحيث يتم تغير منظر السجن لكي تتحول إلي غرفة

نوم الشاب بمفرداتها البسيطة حيث ترتفع الإضاءة علي الزيرو (فول لايت) خلافا

للمشاهد السابقة التي يجب أن تخضع لنظام إضاءة خاص غامض وحالم.. فور ارتفاع

الإضاءة تدوي صرخة الشاب لا.. فيقوم الشاب من نومه فزعا وهو يبسمل في حين

تفتح الأم باب حجرته بعنف وخلفها الرجل العجوز وابنته الشابة..)

الأم: (وهي تأخذ ابنها في حضنها) يا حبيبي يا ابني مالك؟

الشاب: (مذهولا بعد أن رأي أمامه الرجل العجوز) أعوذ بالله من الشيطان

الرجيم.. ده.. ده كابوس.. مجرد كابوس

الشابة: (تنظر للشاب بحب) طب أنت كويس دلوقتي

الشاب: (ينظر إليها بدهشة) الحمد لله، الحمد لله بقيت كويس

الرجل العجوز: أحنا سمعنا صرختك وأحنا قاعدين بره مع أمك فدخلنا علي طول

الشاب: (وهو يزيح الغطاء عن جسده) أنا آسف لاني قلقتكم

الرجل العجوز: (وهو يضحك) أنا قلت أقعد معاك كالعادة نحكي مع بعض

الشاب: (متوترا) هه.. آه.. آه

الأم: حاحضر كم الفطار هوا

الرجل العجوز: (لابته) مع الحاجة ساعديها يله بسرعة

الشابة: حاضر يا بابا (تخرج الأم وخلفها الشابة)

الرجل العجوز: كده تخضني عليك يا راجل.. أومال أنا كنت ها فضفض لمن

الشاب: (متفضضا واقفا) آه.. آه.. آه

الرجل العجوز: أنت تعبان ولا حاجة.. أسيبك؟

الشاب: (وهو يضع يده علي رأسه) آه.. لا.. آه.. لا

الرجل العجوز: أهذا أهذا أكيد كابوس كان ثقيل شويه (متقربا منه للغاية)

تعرف أمبارح وأنا قاعد لوحدي افكرتلك حتة دين حكاية غرامية ليها العجب كلها

مغامرات وسحر و...

الشاب: (يقاطعه صارخا وهو يندفع مخترقا باب الحجره) لا.. لا مش عاوز

اموت مشنوق أبعديه عني يا أمي.. أبعدوه عني (الرجل العجوز يقف مذهولا في

حين تدخل الأم والشابة وهما في حيرة مما يحدث أمامهما الجميع يتبادلون نظرات

الدهشة والذهول فيما بينهم بينما الستار تنزل ببطء

obeikandi.com

دبورة وكاب

عن نص (حرية المدينة)

(قبل أن تقرأ)

لبراين فرايل

تأليف كرم محمود عفيفي

ستار النهاية

(قبل ان تقرأ)

ما بين عام ٢٠٠٣ وعام ٢٠١٦ قدم هذا النص الي مركز الهناحر للفنون وخلال تلك الأعوام جرت مياه كثيرة بل تحولت المياه الي شلالات والشلالات الي ثورات اكلت الأخضر واليابس وتهيأت المنطقة ليس للتقسيم فقط بل للابادة لذا أرجو من القارئ ألا يفهم عنوان ومضمون هذا النص بطريقة متجاوزة للسياق فالدبورة والكاب شرف لمن يحملها لا اكثر ولا اقل....وأخيرا أود أن أشير الي أن مخرج هذا النص بعد أن تحمس له تركه بحجة انه مباشر وضد السلطة وادارة المركز اعلنت في برود مسرحي ضياع النص وما بين الهروب والضياع تبقي اسئلة معلقة بحجم الكون حول بعض قيادات وزارة الثقافة.

المنظر

(قاعة إحدى المكاتب الواسعة بأحد أقسام الشرطة حيث تشغل هذه القاعة - تقريباً - كافة أرجاء المسرح فيما عدا مقدمة المسرح ومساحة صغيرة من يمين المسرح وشماله.. القاعة بها عدة أبواب.. باب علي هيئة مشنقة أعلي المسرح ويؤدي إلي إحدى الغرف الداخلية للقسم.. وباب آخر مماثل جهة اليسار ونافذة صغيرة تطل علي الشارع.. الأثاث قديم وتهالك ويعلوه التراب بالإضافة إلي خيوط العنكبوت التي تسيطر وتُعشش في مختلف أرجاء القاعة.. قبل أن يرفع الستار نسمع دقات قلب سريعة جداً في ضربات متلاحقة ومتواترة ما تلبث هذه الضربات أن تتوقف فجأة بعد إنفراج الستارة أو سحبها ويكون في البداية المسرح غارق في الظلام.. فترة صمت تسقط فيها بقعة ضوئية حمراء علي مقدمة المسرح حيث نرى ثلاثة جثث آدمية مسجاة لامرأة ورجلان ثم تسقط بقعة ضوئية علي النافذة المرسوم عليها دبورة وكاب.. لحظات صمت يتم فيها تبادل سحب الإضاءة بين مشهد الجثث المسجاة وبين مشهد النافذة المرسوم عليها الدبورة والكاب.. فترة قصيرة ثم يتم التركيز بعد ذلك علي مشهد الجثث المسجاة مرة أخرى ويعقب هذا دخول مصور صحفي شاب يحمل معه كاميراته الخاصة حيث يندفع إلي خشبة المسرح بسرعة البرق مُلتقطاً عدد من الصور للجثث المسجاة أمامه من زوايا مختلفة وعلي وجهه علامات الارتباك والفرع وبينما هو يهرول مندفعاً للخروج ناحية اليسار يدخل من ناحية اليمين مُغني أعمي يحمل عود بين يديه ليغني أغنية (ممنوع من السفر)

ممنوع من الكلام

ممنوع من السفر

ممنوع من الغنا

ممنوع من البكا

ممنوع من الابتسام

وكل يوم في حبك تزيد المنوعات

وكل يوم بحبك أكثر من اللي فات

(بعد خروج المغنى نسمع أصوات انفجارات عديدة وصراخ ووعويل وجمل حوارية لا نستطيع من فرط الضوضاء أن نتبين معانيها.. مع خفوت الأصوات تدريجياً ثم تلاشيها نهائياً تُسلط بقعة ضوء علي القاضي في الشرفة (المشقة) ثم يدخل من جهة اليسار ضابط برتبة صغيرة الضابط يقرأ من مذكرة صغيرة يحملها في يده بينما القاضي يدون ما يتفوه به الضابط).

الضابط: (صارخاً) أحمد عبد الدايم أحمد.. مثقف ويعيش مع والديه.

القاضي: (بحدة) أنت بتصرخ ليه يا مغفل.. حد قالك إني ما بسمعش.

الضابط: لا لا يا فندم.. العفو.. العفو.. أنا.. أنا أسف.

القاضي: (ساخراً) أسف.. (من خلال تنهيده) طيب.. هه سند؟!

الضابط: ٢٥ سنة يا فندم.

القاضي: أمال فين الأسلحة اللي كانت مع العيال دول؟!

الضابط: (يخبط علي رأسه) آه يمكن احتمال تكون اتسرفت قبل ما نيحي يا

سيادة لقاضي.

القاضي: (ساخراً) احتمال!!... يمكن!!

الضابط: (ببلاهة) آه.

القاضي: شكراً.

الضابط: العفو.. العفو يا فندم.

القاضي: إخرس.

الضابط: (متوتراً) حاضر.. حاضر.

(يدخل في الحال ثلاثة جنود مدججين بالأسلحة حيث يمرحون علي خشبة المسرح جيئةً وذهاباً وكأنهم يصنعون طابوراً عسكرياً خاصاً بهم ثم يقوم كل جندي بحمل إحدي الجثث إلي الخارج بينما المصور الصحفي خلفهم لحظة بلحظة يمارس عمله).

الضابط: نحمده سيد عبدة.. متزوجة ولديها أورطة عيال).

القاضي: (يتوقف عن التدوين) لديها إيه؟!!

الضابط: أورطة يا فندم.

القاضي: (مندهشاً) أورطة!!!

الضابط: آه أورطة يعني حاجة كتيرة كده.. نص دسطة.. دسطة عيال بالتقدير يعني.

القاضي: (لنفسه) الله يقويها ويقويه.. إحم.. إحم.. المهنة خلص.. خلص.

الضابط: (في لهفة) خادمة وتعمل في أي شيء آخر في سبيل الحصول علي لقمة

العيش لها ولأطفالها تسكن بإحدي العشش القرية من القسم.

القاضي: هو أنا طلبت منك بحث اجتماعي عنها.. إيه؟! أنت كنت تعرفها قبل

كده ولا يمكن كان ليك علاقة بيها.

الضابط: إطلاقاً يا فندم.. إطلاقاً محصلش.

القاضي: ولا حتي علاقة عمل.

الضابط: (يضحك ببلاهة).....

القاضي: إفتكر كويس.. (صمت) كان معاها سلاح?!!

الضابط: (وقد فوجئ) هي مين يا فندم؟!

القاضي: نحمده يا غبي.

الضابط: (متردداً) آه.. لا.. لا مكش معاها سلاح يا فندم.

القاضي: غيره.

الضابط: شفيق الدين إمام.. عمره ٢٥ سنة.. أعزب.. ليس له عنوان ثابت.

القاضي: (في يأس) لا حوب ولا قوة إلا بالله.. يادي المرار اللي أنا فيه يعني إيه يا بني؟!

الضابط: (في ضعف).. أقصد يا سيادة القاضي إنه كان دائم التنقل فهو يعمل

بائع سريح جوال يعني.. ولا يوجد أقارب له.

القاضي: كان معاه سلاح؟!

الضابط: لا يا سيادة القاضي بس الراجل ده أذكر إنه إنقبض عليه أكثر من مرة

في قضايا سرقة.

القاضي: عظيم.. عظيم.. عظيم..

(أصوات انفجارات تغزو الأسماع مرة أخرى ثم ما تلبث أن تخفت تدريجياً مع

خفوت الإضاءة حيث تدخل شخصيات المسرحية الرئيسية الثلاثة التي رأيناها في

البداية كجثث مسجاة في مقدمة المسرح حيث تندفع هذه الشخصيات في حالة إعياء

شديد فنري (أحمد) وهو يتحسس رأسه ويتأوه بشدة.. و(نحمده) تغطي عينيها

بمنديل أبيض باهت وقدر ويدها الأخرى تتحسس المكان لكي تتعرف عليه.. أما

(شفيق) فهو الوحيد الذي يندفع فور رؤيته للمكان بالتوجه إلى جهة اليمين ليفتح

أحد الأبواب ويدخل ويخرج بسرعة وهو يُجفف وجهه بملابسه الرثة).

نحمده: (وهي تتأمل المكان) ياه إيه المكان ده اللي عامل زي القبر؟! أنا خايفة..

خايفة قوي.

شفيق: (متضحكاً) خايفة!! خايفة من إيه يا شيخة حرام عليكي.. إحنا هنا في
أمان لا عسكري يسب في أبونا وأمنا.. ولا شومة تنزل تسلم علي رأسنا وتبوسها ولا
عينينا تعمي من القنابل الزفت اللي بتفجر دموعنا علي الفاضي والمليان.

(متأملاً المكان وهو يلف حول نفسه) إحنا هنا في مكان فل الفل.. بعيد عن لبش
العساكر وأرف المظاهرات اللي بره.. كل ده وخايفة!! يا شيخة حرام عليكي.
(يحاول أن يقترب من نحمده متأملاً إياها من أسفل إلي أعلي وقبل أن يهم بالكلام
يرن في أذنيه صوت تأوهات واضحة).

أحمد: (واضعاً يده علي رأسه) آه.. آه.. آه.. آه.

شفيق: هو أنت لسه عايش يا خفيف؟!.. يا أهلاً بالزعيم اللي كان من شوية محمول
علي الأكتاف أنت إنضربت يا بطل؟! تعيش وتأخذ غيرها أصل أنا بصراحة من كتر
الحماس اللي أنت كنت فيه في المظاهرة.. خُفت عليك لا يفرقعلك عرق ولا حاجة.
أحمد: (متوتراً) من فضلك!! بطل أسلوب المسخرة بتاعك ده أنا مش ناقصك
أنت كمان يا... يا..

شفيق: محسوبك شفيق علي الله.. يا الله.. (إلي نحمده) يا الله علي جمالك.. يا الله
يالاً يالاً.

نحمده: (تتجاهله وتتجاهل نظراته) أنت دمك ثقيل (إلي أحمد) بالحق أنت
إسمك إيه?!

أحمد: اسمي.. (يتحسس رأسه) آه.. اسمي أحمد مجاهد.

شفيق: (ساخراً) مجاهد مرة واحدة.. لأ والنبي اسم علي مُسمي.. أنت بتسمي
اللي إحنا بنعمله ده جهاد?!

أحمد: أمال تسميه إيه أنت يا فالح؟!!

شفيق: (وهو يُرُقص تضالته) اسميه لعب عيال.

أحمد: المظاهرات دي يا أختينا حق دستوري كفله القانون لكل مواطن.

شفيق: (متغابياً).. أنون.. أنون إيه؟!!

أحمد: قانون البلد.

شفيق: (متغابياً).. بلد.. بلد إيه؟!!

أحمد: البلد اللي إحنا عايشين فيها..

شفيق: (يضحك بخلاعة)..

نحمده: يخيك راجل!! ده أنت ضحكك ولا ضحكة الواحدة اللي ولا

مؤاخذه..

شفيق: ولا مؤاخذه ليه؟! ما فيش عساكر هنا قولي متخافيش (إلي أحمد) الظاهر

شوية الكتب اللي أنت قريرتهم لحسوا مخك.

أحمد: وتعرف منين أنت يا جاهل إذا كنت قريرت شوية كتب ولا ماقريرتش خالص.

شفيق: (بحزن) أصلك ما تعرفش إن التلطيم أحسن جامعة للتعليم.

أحمد: إيه الألفاظ السرية دي.

شفيق: (مُقلداً إياه بسخرية) إيه الألفاظ السوقية دي!! طبعاً من حقك!!.. ما

أنت لقيت اللي يربيك ويهنك ويشتريلك الكتب عشان تقرا وتعلم.. إحنا بقي كنا

مش لاقين حتي اللقمة ناعلمها فما بالك بالكتب (كمن تذكر شيء) الله!! بالحق قولي

يعني إيه كلمة مُثقف؟!!

نحمده: (تضحك بسخرية).. بعد ما شاب ودوه الكتاب.. يا شيخ إتلهي!!
روح اتعلمك صنعة تنفعك وتأكلك عيش.

أحمد: (ينظر بحدة إلى نحمده فتراجع خجلاً من حديثها).. يمكن هستغرب
مني لما أقولك إن أنت معني من معاني كلمة مُثقف.

شفيق: (يضحك بهستيرياً)..

أحمد: من حقت تضحك وتسخر بس صدقني ده رأيي.. المثقف مش بس اللي
قعد يقرأ ويبص ويكتب لأ!! المثقف هو اللي يسعى إنه يغير العالم من حواليه ويزيل
ملامح القبح والألم من علي وجوه البشر!! أنت مثلاً خروجك في المظاهرة دي أكبر
دليل علي إنك مُثقف بمعني من المعاني.

شفيق: لا هو أنت فاكراً أنا خرجت في المظاهرة علشان أهتف ضد النظام وضد
الفساد وضد الظلم زي ما أنت ما كنت بتهتف.

أحمد: (متدهشاً) أمال أنت خرجت ليه؟!

شفيق: (يضحك بسخرية) Business.

أحمد: Business!!

شفيق: آه Business بألقط رزقي وسط الزحمة.. أمال آكل منين يا أستاذ؟!

أحمد: (مبهوتاً) وأنا اللي كنت فاكرك..

(إلى نحمده) وإنتي كنت بتعلمي إيه في المظاهرة؟! Business برضه؟!

نحمده: (تبدو عليها الارتباك)..

شفيق: السكوت علامة الرضا يا جميل.. يبقى كان عندك Business إنتي كمان
يا سلام يا ولاد ما جمع إلا ما وفق.. إحنا الاتنين علي نفس الخط سوا أما هو (يشير

لأحمد) نفي وادي تاني خالص.. وادي النظرون (يضحك بمفرده) أقطع دراعي إن ما كان كل اللي في المظاهرة خارجين عشان الـ Business.

أحمد: (في غضب) باقولك إيه يا أخي أنت.. بطل أسلوب السخرية ده أحسن لك.

شفيق: أحسن لي!! لأفتك.. أنت هتعمل هنا بطل علي حسابنا ولا إيه؟! لأفوق محدش أحسن من حد هنا.

نحمده: (تجري لتحجز بينهما).. إيه؟! أنتوا هاتتخاّنقوا مع بعض ولا إيه؟! وحدوا الله.

أحمد: لا إله إلا الله محمد رسول الله.

شفيق: لا إله إلا الله (متأملاً نحمده ومتقرباً منها) أنت تؤمر يا قمر.. أمرك ماشي علي عيني وعلي راسي وعلي كل حته في جسمي.

نحمده: (تبتعد عنه ناحية أحمد).. إيلم يا واد أنت.. أنت مالك مش علي بعضك ليه؟! أحمد: (بشدة) آه.. آه.. آه.. آه..

نحمده: يا عيني عليك يا سي أحمد. لسه راسك بتوجعك؟!

شفيق: ده أنا اللي قلبي موجوع.

نحمده: إن شا الله تنشك في قلبك يا بعيد.

أحمد: (وهو يتألم) الضربة كانت شديدة قوي علي راسي.. لكن مش الضربة بس اللي كانت شديدة.. اللي كان أشد علي نفسي وأقسي عليها من الموت هو تصرف الشرطة تجاه المظاهرة.. مجرد مظاهرة سلمية حبيننا نعبر فيها عن غضبنا من الفساد اللي إستشري في البلاد طولها وعرضها.. فجأة!! المظاهرة إتحوّلت لساحة معركة حربية..

قتلي وجرحي ومصابين.. ليه؟!.. ليه؟! (صارخاً) ليه?!.

نحمده: (تحاول تهدئته) بس يا خويا ما تعملش في نفسك كده.. إهدا.. إهدا.

أحمد: (سارحاً مع نفسه) أكيد زمان المظاهرات كان ليها شكل وطعم تاني.

مؤكد جنود الاحتلال زمان كانوا هما اللي بيحرسوا المظاهرات ويحموها من الطماعين وأصحاب المنافع (ينظر لشفيق شذراً) لكن النهارده للأسف!! عايشين وسط أهلنا وبنضرب وبننداس بالبُلغ.. ابن بلدي بيرفع في وش ابن بلده السلاح هي دي الديمقراطية.

شفيق: إنا لله وإنا إليه راجعون.. إرخينا هيرجع تاني يقول كلام كله ثقافة.

أحمد: أنا مش هاعبرك (إلى نحمده) إلا بصحيح إنتي ما قولتليش علي اسمك?!.

نحمده: اسمي نحمده.

أحمد: (متألماً) آه.. عاشت الأسمي يا ست نحمده.

نحمده: أنت يا خويا هاتفضل تتوجع كده كثير.

أحمد: مش عارف.. بس كل اللي اعرفه إن راسي مش مضبوطة خالص.. حاسس

حاسس..

نحمده: (تقترب منه في لهفة) حاسس بإيه يا خويا.. اتكلم..

أحمد: حاسس.....

شفيق: (يقاطعه ساخراً) حاسس بمصيبة جايالي يا لطيف يا لطيف.. مصيبة

مكانتش علي بالي يا خفيف يا خفيف.

نحمده: يا ستر يا رب عليك وعلي لسانك.. فال الله ولا فالك.

أحمد: أنا فعلاً حاسس إن فيه مصيبة هاتحصل.

شفيق: شفت يا جميل.. أنا والمثقف أول مرة نتفق علي حاجة لأ والعجبية إننا لم نتفق علي مصيبة (يقترّب منها متأملاً إياها من رأسها إلي أخمص قدميها) مش أنت متفق معايا برضه يا جميل!؟

نحمده: هو إيه أصله ده!! هما خرجوك من مستشفى المجانين امتي!؟

شفيق: (وهو يدور حولها) لسه طالع طازة.. هوي.. هوي..

أحمد: أنا حاسس إن إحنا مُعرضين للموت في أي لحظة.

شفيق: وإيه بقي لازمة سيرة الموت.. لأ والنبي ما تعكنش علينا وحياة أبوك.

أحمد: (يندفع إليه مُحاولاً الإمساك به).. ما تجبش سيرة أبويا علي لسانك الزفر

ده!! أنت فاهم!؟

شفيق: (يتخلص من قبضته بحدة) أنا مالي ومال أبوك يا أختينا أنت.

نحمده: لا حول الله يا رب.. إنتوا جري في عقلكم حاجة.. المظاهرات برة

شغالة وإنتوا هنا عاوزين تمسكوا في خناق بعض.

شفيق: أنا أعرف إيه اللي كان خلاني أعمل Business وسط المظاهرات يعني

هيا خلاص!! جبكت.. (فترة صمت) إلا قولي يا أستاذ.. أنت إيه اللي خرجك عشان

تتظاهر!؟

أحمد: (بثقة).. الإحساس.

شفيق: (ساخراً) الإحساس مرة واحدة.

أحمد: أيوه الإحساس.. إحساسك بالظلم بإنك مقهور.. ومش عارف تعمل

حاجة!! إحساسك بإنك مجرد رقم في بطاقة في وطن أو من الأرقام المزيفة.. للاسف!!

لغوا أحاسيسنا ومشاعرنا وصادروا حريتنا حتى حرية إنك تصرخ وتقول لأ.. فيه أكثر من كده ذل وهوان.

نحمده: (بتلقائية) هو إحنا مش أحرار ياسي أحمد.

أحمد: للأسف لأ!! إحنا عبيد عند السلطة.. والفساد اللي إنتوا شايفينه في البلد سببه الأول الإستبداد.

(صوت انفجارات وطلقات رصاص.. يتوقف الكادر الخاص بالشخصيات الثلاثة وتحفّت الإضاءة عنهم تماماً في حين تسقط بؤرة ضوئية علي د / شاعر الزيات وهو عالم سياسي كبير وهو يقف بأحد جوانب المسرح).

د / شاعر: لقد تضافرت آراء أكثر المحررين السياسيين من الإفرنج علي أن الاستبداد السياسي متولد من الإستبداد الديني والبعض القليل منهم يقول إن لم يكن هناك توليد فلا شك إنها إخوان أو صنوان قويان بينهما رابطة الحاجة علي التعاون لتذليل الإنسان والمشكلة بينهم ظاهرة من أن أحدهما حاكم علي عالم القلوب الآخر متحكم في مملكة الأجسام.. لقد وجد العوام معبودهم وجبارهم مشتركين في كثير من الحالات والأسماء والصفات وهم ليس من شأنهم أن يفرقوا بين (الفعال المطلق) و(الحاكم بأمره) وبين (لا يُسئل عما يفعل) و(غير مسئول) وبين (المنعم) و(ولي النعم) وبين (جل شأنه) و(جليل الشأن) بناء عليه يُعظمون الجبارة تعظيمهم لله وهذه الحالة هي التي سهلت في الأمم الغابرة المنحطة دعوي بعض المستبددين الألوهية علي مراتب مختلفة حسب إستعداد أذهان الرعية.

حتى يُقال إنه ما من مستبد سياسي إلا ويتخذ له صفة قدسية يشارك بها الله أو تعطيه مقام ذي علاقة مع الله.. ولا أقل من أن يتخذ بطانة من أهل الدين يعينونه علي ظلم الناس باسم الله.

تخفت الإضاءة تدريجياً عن د / شاكر لتسقط علي الشخصيات الثلاثة وهم في حالة دهشة مما يفعله شفيق حيث أخذ يتأمل المكان بدهشة شديدة ثم انفجر ضاحكاً وراقصاً بطريقة هستيرية).

شفيق: إنتوا عارفين أنتم فين يا همج..!؟

أحمد: احترم نفسك.

شفيق: يا شيخ إلهي.. (تتابه نوبة الضحك مرة أخرى فيجري مندفعاً يمين المسرح ويساره يفتح الأبواب ويقفز في الهواء في حالة أشبه بالجنون).. عارفين إنتوا فين يا أفندية!؟

نحمده: ما تقول بقي وتخلصنا.. قالك القل وتعب السر يا بعيد.. أنت مناكف ليه.. إلهي ربنا يتعب قلبك وقلب..

شفيق: (يقاطعها) خلا.. خلاص هاقول إحنا فين.. أنتم بقي بالصلاة علي النبي في أكبر فندق حكومي لألعاب السيرك.. فندق ١٠٠ نجمة ونجمة.. (يضحك بخلاعة) إنتوا في قسم الشرطة.

(تشهق نحمده وتكاد أن تولول.. أما أحمد فتتابه حالة هي مزيج بين الذهول والدهشة).

نحمده: يا لهوي!! بقي نهرب منهم بالنط في حضنهم.. بقي ملاقيش إلا المكان ده قسم الإرهاب والعذاب.. لأ يا خويا أنت وهو.. أنا هامشي أنا عاوزة أشوف عيالي.

أحمد: (يمنعها من الخروج) إستني هنا.. إنتي إجننتي.. هتروحي فين دلوقتي!؟
الدنيا بره مقلوبة.

شفيق: يا هابلة هتروحي فين؟! ده المكان كله مترشق عساكر.. إنتي هنا في أحسن مكان الحرامي ولا تاجر المخدرات لما يكون هربان من الشرطة.. أحسن مكان يستخبي فيه هو قسم الشرطة.. الخوف كل الخوف لو خرجتي.

نحمده: (في خوف وفزع) يعني إيه؟!

أحمد: يعني تخليكي معانا دلوقت لحد ما نشوف إيه اللي هايجصل.

نحمده: وولادي!! ده أنا اللي باجري عليهم بطولي.. (يبدأ صوتها في التهدج ونشعر بحالة شجن داخلي في هذا المنولوج).

لا أخ ولا أخت ولا أم ولا أب ولا عم ولا حتي خال انقطعت من صغري يا ولداه.

شفيق: هو ولا مؤاخذه جوزك سافر للأخرة.

نحمده: فال الله ولا فالك جوزي عايش بس (لحظة صمت تنفصل فيها نحمده

عنها وتتجه صوب مقدمة المسرح) مش عارفة أقول إيه!! الله يسامحه المرض بقي..

بعد جوازنا ما فيش ٦ أشهر إلا وإنصاب يا حبة عيني بالشلل.. كان سواق كسيب

وفجأة اللي كان بيلف الدنيا ويلف معاه خلق الله أصبح كسيح بيزحف علشان

يروح دورة الميه.. كنت بحبه ولسه بحبه.. اضطريت إني اشتغل في البيوت خدامة

بس مش الخدمة هي اللي كانت بتأكله وتأكل عياله اللي كان مصمم يخلفهم بعدد

شهور السنة.. (تضحك بألم) أصله شهواني قوي.. مش عارفة كان حاسس ولا لأ

إن الفلوس دي من الخدمة ولا من حنة تانية.. مش قادرة أنسي أبدأ أول يوم في أول

شهر اشتغلت فيه في الخدمة.

(يتم تركيز إضاءة زووم علي نحمده في بداية المنولوج).. كان سيدي يتعمد يفضي

البيت في اليوم ده من مراته وعياله عشان ينفرد بيا.. أنا فاكره أول مرة زي ما تكون

حصلت دلوقتي.. كنت لابسة أكثر من ٦ جلابيب.. أصلي روفية والنسوان في حارتنا بعايروني ويقولولي يا عصاية.. حاولت أفنعه إني ست متجوزة وباجري علي ينامي.. لكنه كان زي الحيوان هجم عليا وقلعني هدومي حته حته (تخلع ملابسها إلي أن تنتهي بجلباب مشجر شبه شعاف يبرز مفاتهاها) وهجم عليا زي الكلب وفضلت أصرخ.. أصرخ لغاية ما إتحول صراخي للذة وأمي للمتعة.. ومن ساعتها عرفت معني الحرام اللي فاتح بيتي ويأكل عيالي (تجهش بالبكاء فيقترب شفيق منها ولا شعوريا يتحسس جسدها بشهوة فتجفل منه وتندفع نحو أحمد..).

شفيق: (بألم) بسيطة.. بتحصل في أحسن العائلات.. أمي مثلاً كان فيها كتير منك. نحمده: (تأمله بقليل من الدهشة وكثير من الفزع)..

شفيق: لأ.. أنا مش مجنون المرة دي ولا باتريق.. أنا بتكلم بحق وحققي.. أمي كانت زيك كده.. عاهرة.

نحمده: (وقد تألمت من الكلمة).. إخرس!!.. (إلي أحمد) إلا قولي يا سي أحمد إحنا لينا يد في الفساد ده.. رغم إنه هو بيبقي غصب عنا.

أحمد: (يدور حول نفسه ممسكاً برأسه).. آه.. آه.. آه.. الفساد هو الاستبداد والاستبداد هو الفساد.

شفيق: (في حالة مغايرة وقد استبد به الألم) فساد!!.. فساد!!.. فساد!! إنتوا بتكلموا عن الفساد وكأني ماشفتوش ولا عرفتوش.. الفساد ده أنا عرفته من ساعة ما وعيت علي الدنيا وأنا بتنفس فساد.

فساد أبويا تاجر المخدرات اللي جرنى معاه في نفس السكة ونفس الطريق.. وكانت النهاية إنه أخذ تأبيده في السجن وأمي بقت لحم رخيص لكلاب السكك.. وأنا!! أنا

إترميت في سجن الدنيا.. يتيم من نوع خاص!! أبويا وأمي عايشين ومش عايشين.. أهلي كلهم إتبروا مني بسبب أبويا وأمي.. طب وأنا مالي كنتواربوني تكسبوا فيا ثواب لكن لأ!! إزاي؟! دول ما صدقوا.. أبويا في السجن وأمي طفشانة وراحوا ملقحني في الإصلاحية.. وخرجت منها أمارس فساد ضد المجتمع إنتي بتبكي عشان بعتي نفسك للرجالة (يضحك بسخرية) طظ.. أنا كمان كنت بنام مع رجالة عشان لقمة العيش.. محدش أحسن من حد.. مش الست بس النهارده اللي بتبيع جسمها عشان تعيش.. لأ والرجالة كمان بيعملوا أوحش من كده عشان يعيشوا أو يتكيفوا لكن تعرفوا أكثر حاجة كانت بتقتلني وتخليني أكره العالم باللي فيه هو إني كنت بسرقة حتي لحظات الحب!! عمري في حياتي ما قعدت مع واحدة أحبها وتجنبي علي الكورنيش نقفز ترمس ولب وناكل صميت.. أبسط أمنية وأرخصها في حياة أي شاب ما قدرتش أحققها.. الحب كنت بسرقة وبشتره فساد!! أكيد هو ده الفساد اللي إنتم تقصدوه.

أحمد: (بانفعال).. الفساد هو الاستبداد.. والاستبداد هو الفساد.

نحمده: (بحسرة) كل ده يا ربي علشان مظاهره.. أمال لو عملنا ثورة هيعملوا فينا إيه؟! إحنا متحاصرين زي الفيران كده ليه؟! (بانفعال) حرام عليهم.. منهم الله.. منهم الله.

شفيق: (يقرب من أحمد) أكيد أنت مالكش ماضي قدر زينا علشان تحكيه أو تتألم منه.

أحمد: المسألة ما تتحسبش بالشكل ده أبداً.. صحيح أنا لقيت اللي يربيني ويعلمني بس مش بالضرورة إن كل واحد متعلم وأهله ربوه يكون طاهر الدليل أو مستعد يضحى بحياته علشان مبدأ هو مقتنع بيه!! أنا يا ما اتسجنت أيام وشهور.. بسبب دفاعي عن الحرية وعلشانها خسرت دراستي واتفدت من كليتي وخانتني

خطيبي وخذلتنني لكن كل ده ما سلبنيش أهم ما يملك الإنسان في رحلة الحياة وهي
روحه المقدسة اللي هي نفحة من الإله.. للأسف!! أنا فقير وإنتوا برضه فقرا.. بس
أنا روحي مازالت موجودة علشان تقاوم أي فساد.. أما إنتوا فأرواحكم غادرت
أجسادكم وبقت مجرد جتت.. جتت أشبه بخيالاته المآتة.

(تنحصر الإضاءة عن الثلاثة شخصيات وتسقط بقعة ضوئية علي د / شاكر).

د / شاكر: ما أشبه المستبد في نسبه إلي رعيته بالوصي الخائن القوي علي أيتام
أغنياء يتصرف في أموالهم وأنفسهم كما يهوي ما داموا قاصرين.. فكما إنه ليس من
صالح الوصي أن يبلغ الأيتام رشدهم.. كذلك ليس من غرض المستبد أن تنتور
الرعية بالعلم.. ولا يخفي علي المستبد مهما كان غيباً أن لا استعباد ولا إعتساق إلا
ما دامت الرعية حمقاء تحبظ في ظلامه جهل وتيه عماء.. فلو كان لمستبد طيراً لكان
خفاشاً يصطاد وهو أم العوام في ظلام الجهل.

ولو كان وحشاً لكان ابن أوي يتلقف دواجن الحواضر في غشاء الليل.. والعلم
قبسة من نور الله.. وقد خلق الله النور كشافاً مبصراً ولاداً للحرارة والقوة وجعل
العلم مثله وضاحاً للخير فضاحاً للشر يُولد في النفوس حرارة وفي الرؤوس شهامة
والحاصل أن العوام يذبحون أنفسهم بأيديهم بسبب الخوف الناشئ عن الجهل فإذا
ارتفع الجهل زال الخوف وانقلب الوضع أي انقلب المستبد.. رغم طبعه إلي وكيل
أمين يهاب الحساب.

(تحفت الإضاءة تماماً د / شاكر وأثناء خروجه يدخل من الناحية المقابلة المغني

وفي يده العود ويكمل أغنية (ممنوع من السفر))

حبيبتي يا سفيينة متزوقة وحزينة

متشوقة وسجينة

حبيبتى يا مدينة

مُخبر في كل عقدة

عسكر في كل مينا

في كل حارة حسة

وفي كل قصر زينة

وكل يوم في حبك تزيد الممنوعات

وكل يوم بحبك أكثر من اللي فات

ممنوع من السفر

ممنوع من الكلام

(بعد خروج المغني يظهر شرطيان وفي يد كل منها جهاز لاسلكي.. شرطي ١ يقف علي مقدمة المسرح يمين.. أما الشرطي الآخر فيقف علي مقدمة المسرح يسار).

شرطي ١: (وهو يتحدث في اللاسلكي) إزيك يا لبط.

شرطي ٢: (وهو يُجأده علي الجانب الآخر) أهلاً يا زلط.

شرطي ١: أنا مش مطمئن من الليلة السوداء دي.. وحاسس إن نهايتنا قربت يا خفيف.

شرطي ٢: ليه يا حمار؟!!

شرطي ١: ما سمعتش عن الحرامية اللي احتلوا قسم الشرطة.

شرطي ٢: سمعت يا لبط.. وأنا بعترده فجر ما بعده فجر.

شرطي ١: تفتكر عددهم أد إيه؟!!

شرطي ٢: أنا سمعت إنهم حوالي ١٠٠.

شرطي ١: يا نهار أسود.. دي ثورة يا بطل.

شرطي ٢: ثورة إيه يا حمار!! القوة الكبيرة زمانها في السكة.. وشويه والعيال دول يبقوا في خبر كان.

شرطي ١: أنا هتجنن.. دخلوا القسم إزاي؟!

شرطي ٢: تلاقيهم دخلوا من الباب الوري الي كسره المساجين لمحجوزين قبل ما يهربوا.

شرطي ١: أنا خايف قوي يا وله.

شرطي ٢: بدمتك يا بغل عندنا إيه نخاف عليه..؟! لا عندنا عيال ولا مال.. ولا مره ملكة جمال إحنا نمحدر بنا إن كل الي نملكه شوية التراب الي إحنا واقفين عليهم.

شرطي ٤: ودول كمان مشكوك في أمرهم.. حول يا حمار إحنا دخلنا كده في السياسة لحد يسمعنا الله يخرب بيتك أنت واللي احتلوا القسم:

(تخفت الإضاءة عن الشرطيان وتسقط مرة أخرى علي شخصيات المسرحية الثلاثة).

شفيق: حزرروا فزرروا.. أنا كان نفسي اطلع إيه؟!

نحمده: (بتلقائية) حانوتي.. آخرك كده حانوتي.

شفيق: (يقترّب منها) كده؟! أتمني يا جميل علشان أشيلك بين إيسيا الاتنين دول.

نحمده: (بغضب) إن شا الله تنشال مريعن يا بعيد.. (تدفعه) ابعده عني.

شفيق: طب وأنت يا زعيم.. تفتكر أنا كان نفسي أطلع إيه؟!

أحمد: مسئول كبير.

شفيق: (يندفع نحوه محتضناً إياه في افتعال) تصدق بايه يا ابني.. انت فلتة.. أنت

عبقري قريت كل اللي في نفسي من غير ما أصرح بيه (بيبدأ شفيق من هذا المنولوج في تقمص شخصية أخري غير شخصيته).

فعلا!! أنا كان نفسي أطلع مسئول كبير.. وبالأخص ضابط شرطة.. علشان أرد علي كل المساخر والإهانات اللي أنا شفتها في حياتي.. ياه!! ده أنا أتاريسي تاريخ طويل وعريض من الوسخ وأنا مش عارف.. (يردد في تنغيم) ضابط شرطة.. ياه!! كلمة حلوة قوي.. تفتحلك الأبواب المقفلة وتيسر لك كل عسير ده غير المنظرة والفخشرة مركز!!... مركز يا خلق.. مركز يخليني أشفي غليلي من كل اللي ظلموني واغتصبوني.. ياه!! دبوره علي الكتف وكاب فوق الراس وأطيح في الأرض طولها وعرضها شاهها وجنوبها.. انتقم.. أيتوه هانتقم وأول انتقام هيكون لأقرب المقربين.. أهلي.. أيوه أهلي.

(يضى في عينيه بريق الانتقام).. ياه!! لو يتحقق الحلم الجميل ده وأبقي ضابط أطيح في الخلق.. أسحلهم.. أدفنهم صاحيين وأبقي حانوتي زي ما قالت بوظ الإخص دي.

نحمده: بوظ الإخص.. الله يكسفك ويوكسك.. (تضربه علي ظهره) فوق.. فوق يا فاروق.. أوعي تكون صدقت الحكاية يا أهب.. دي أمنية.. أمنية يا نملة علي الحيط مستنية.

أحمد: يا خسارة مجرد حلم ولا حتي أمنية خلتك ديكتاتور ظالم.. آمال يا أخي لو حلمك إتحول لحقيقة هتعمل إيه!؟

شفيق: (بتحدي).. هادوس علي كل البشر.

أحمد: أعوذ بالله!! كنت فاكر اللي اتظلم.. مش ممكن أبداً بعرف الظلم.. طريقه

قلبه يا خسارة.

شفيق: ده كلام علشان ماجربتش تتعذب.. ما جربتش أبداً إن عسكري حقير
يركبك ويضاجعك لمجرد إنه.. إنه.. إنه شئ فظيع.. فظيع الإحساس ده ما جربتش
أنت يا بتاع الكلام المزوق عشان كده ما تعرفوش.

أحمد: اوعي تفتكر نفسك إنك أنت لوحدك الفقير ولا أنت لوحدك المقهور أنا
كمان ياما اتعذبت وياما اتهمت.. كنت ممكن اشتري دماغى زي ما بتقوله وأقول وأنا
مالي قصاد طوفان الفساد اللي مجتاح البلد.. أنا كنت بخرج من سجن لسجن وأنت
عارف يعني إيه سجين سياسي اتعمل فيه كل اللي أنت بتقول عليه ده.. إنه يصرخ
أبدأ.. إنه ينخ ويرفع الراية البيضاء.. أبداً.. أنت للأسف يا شفيق الفقر قتل روحك
كبنى آدم لأن كثير من الفقرا مازالوا محتفظين بروحهم وأدميتهم والسلطة عمرها ما..
شفيق: (يتأطعه).. السلطة سلطه يا بتاع الثقافة.. بدمتك. تقدر تقولي إيه الفرق
بين السلطه والسلطه!؟

أحمد: (يهم بكلام ولكنه يتوقف متأملاً الحاله التي إنتابت شفيق).

شفيق: أنا أقولك.. ما فيش فرق يُذكر بين السلطه والسلطه لأن الأولانية سمك
لبن تمر هندي أما الثانية تمر هندي لبن سمك.. كله خلطيطة يا أستاذ يا مثقف يا بتاع
الحرية.. والإستبداد هو الفساد.. والفساد هو الإستبداد.

أحمد: للأسف!! أنت روحك إنتقلت.. فعلاً قدروا يكسروا فيك البنى آدم
ويشبقوه ويصلبوه قدروا يكرهوك في وطنك.

شفيق: (بحدة وغضب) الوطن هما.

أحمد: (في ثورة) الوطن إحنا.. بص للملايين الناس الي في بلدك.. الساكنين عشش

واللي نايمين فوق القبور.. بصلهم قوي وإتأمل منظرهم يمكن يرق قلبك وتفهم.

شفيق: (صارخاً فيه) أنا واحد منهم.

أحمد: ودة أدعي إنك تحس بيهم.. تثور علشانهم في وش أي ظالم ولو إستدعي الأمر إنك تقدم حياتك تمن ليهم.

شفيق: (يضحك ساخراً.....).

أحمد: (بحزن) يا خسارة وألف خسارة اللي سرقوا البلد ونهبوها واغتصوبوها انتزعوا كل شيء.. كل شيء.. حتي كلمة الخيال.. سرقوها.. شنقوها لحد ما بقي خيالنا أسير الأشياء الحقيمة كل أمانيه لقمة وهدمة ونسينا معني الحرية (بمرارة شديدة) يا تري حكامنا هم المستبدين ولا إحنا اللي عاشقين للإستبداد.

نحمده: يا أخويا بالراحة علينا.. أنا مش فاهمة أي حاجة.

شفيق: (يقرب منها آتياً من الخلف ثم يضع يده علي ظهرها ويتحسسها).. أحلي حاجة فيكي إنك ما بتفهميش.

نحمده: (تدفع يده ببطء وهي ترتعش من لمسة يده وتنطق جملتها لاكاد وكأنها تكاد أن تستسلم لما في عينيه من رغبة).. إبعد عني إيدك كده.

شفيق: (يضحك بانتصار).. أن هادخل أطس وشي بشوية ميه يمكن أفوق.

(يخرج شفيق من ناحية اليسار فتخفت الإضاءة تماماً عن الشخصيات الباقية مع سقوط بؤرة ضوء علي مسئول كبير يقف بالباب الذي وقف فيه القاضي من قبل وأمامه مجموعة من الصحفيين).

المسئول الكبير: أيها السادة يسرني أن أعلن لكم.. آسف أقصد أعلن عليكم هذا النبأ التالي إنه في تمام الواحدة والنصف من يوم الجمعة الموافق ليوم أغبر من أيام السنة

دي احتلت مجموعة من الحرامية المتخفية مبني ومركز شرطة الخلاص وجاري التعامل معهم ووضع خطة ماتخرش الميه لاصطياد هؤلاء دون عناء.. أي والله العظيم دون عناء.. لأنهم راحوا ولا جم شوية عيال تلاقهم لسه بياخدوا مصر وفهم من أبوهم ينعل أبوهم.. وللعلم لم يقع ضحايا إلي الآن والحمد لله.. والأمن آخر سبيل الله والحمد لله.

صحفي أجنبي: بعض المصادر يا فندم أكدت لنا إن هذه لثورة ليست ثورة حرامية وهتيفة وإنما هي انتفاضة شعبية بسبب الاستبداد السياسي اللي بتعاني منه البلاد.

المستول الكبير: (في غضب) أنت من أنهي جرنال مهيب.

صحفي أجنبي: (في ثقة) الواشنطن بوست.

المستول الكبير: أنت م... (يقطع الكلمة فور إدراكه أنه يعمل في صحيفة أمريكية) آه!! أنت من بلاد بره.. (لنفسه) ده أنت بتتكلم عربي أحسن مني.. المهم بقي يا خويا شيخ الجامع اللي أنا بصلي فيه كل جمعة أفتي بحرمانية الإدلاء بأية أحاديث صحفية للأجانب لأن ده يعد نوع من أنواع الزنا الفكري والعياذ بالله.. انتهى.

صحفي ١: ما هو العدد الحقيقي للحرامية يا فندم؟!

المستول الكبير: شايف الأسئلة.. إتعلم.. إتعلم من ولادنا.. الله يفتح عليك يا بني.. أنت شغال في جرنال إيه؟!

صحفي ١: الحقيقة يا فندم.

المستول الكبير: يا سلام الحقيقة.. في الحقيقة يا بني فتح الله عليك يُقدر عدد الحرامية بـ ١٠٠ حرامي.

صحفي ٢: هل توجد في هذه العملية عناصر نسائية؟!

المستول الكبير: يُقال أن هناك عدد كبير من النساء إشتراك في عملية إحتلال القسم.

صحفي ٣: الحرامية دول مُسحلين يا ناشا.

المستول الكبير: بالطبع مُسحلين آخر تسليح.

صحفي أجنبي: سؤال تاني من فضلك.. إلي متي يظل هذا البلد المنكوب يُحكّم

من خلال أنظمة شمولية؟!

المستول الكبير: ممكن أنا أسألك سؤال؟!

صحفي أجنبي: اتفضل.

المستول الكبير: أمك؟!

صحفي أجنبي: إشمعني؟!

المستول الكبير: اسمها إيه؟!

صحفي أجنبي: ولو إن ده مالوش علاقة بموضوعنا بس برضه أقولك.. اسمها

حرية يا فندم.

المستول الكبير: (ساخراً) بلها واشرب ميتها يا ضنايا.

(تحفت الإضاءة تدريجياً عن كتلة المستول وتسقط بقعة ضوئية علي د / شاكر

بالجانب الأيمن من المسرح).

د / شاكر: إن الاستبداد داء أشد وطأة من الوباء.. أكثر هولاً من الحريق.. أعظم

تخريباً من السيل.. أذل للنفوس من السؤال.. فالاستبداد يسلب الراحة الفكرية

فيضني الأجسام فوق ضناها بالشقاء فتمرض العقول ويختل الشعور علي درجات

متفاوتة في الناس والعوام الذين هم قليلو المادة في الأصل قد يصل مرضهم العقلي

إلي درجة قريبة من عدم التمييز بين الخير والشر في كل ما ليس من ضروريات حياتهم

الحياة.. ويصل إدراكهم إلي أن مجرد آثار الأبهة والعظمة التي يرونها علي المستبد وأعدائه تجهد أبصارهم ولهذا كان الاستبداد يستولي علي تلك العقول الضعيفة للعامّة فضلاً عن الأجسام فيفسدها كما يريد.. ويتغلب علي تلك الأذهان الضئيلة فيشوش فيها الحقائق بل البدييات كما يهوي فيكون مثلهم في إنقيادهم الأعمي للاستبداد ومقاومتهم للرشد والإرشاد مثل تلك الهوام التي تترامي علي النار وكم هي تغالب من يريد حجزها علي الهلاك.

(بينما يخرج العالم السياسي من اليسار يدخل من اليمين المغني ليشدو)

المغني: شوف عندك يا سلاملم وإتفرج يا سلام فزورة قرعاوية.. من إنتاج النظام
سمك لبن طباطم بصل عدس سخام يساوي حزب حاكم وآخر انسجام
ولسه نشوف طلاسما دام الوعي نام واتفرج يا سلاملم وإفهمها يا سلام
واحد بقال تموين.. كان مطرح طه حسين

وكمان مارضييش بالمطرح تفتكروا يرحو علي فين

كان قام في الجامعة مدير علي درجة نص وزير

أثبت في القرع مواهب أكبر من سنة كثير

ولإن الشلة إياها مواهبها مهياش وياها

اعتبروا صاحبنا هدية للأوساط اقرعية

وهيلا بيلا.. شيلوا ويا لا

علي مجلس أنس الشلة بقي ريس نرقة كبيرة

واحد بقال تموين.. تفتكروا ده يطلع مين

واتفرج يا سلامم.. اتفرج يا سلام

(تنحسر الإضاءة عن المغني الذي يخرج بينما تسقط الإضاءة في البداية علي الباب الذي خرج منه شفيق الذي يدخل مرتدياً عسكرياً أنيقاً وممسكاً بكراباج في يده.. أحمد ونحمده تتابها حالة من الدهشة ويقعان فريسة لحالة مفاجئة من هستيريا الضحك فيبادر شفيق علي الفور بإخافتها بالكرباج الذي يحركه في الهواء يمنه ويسري إذ يجعل من تشابك طرفي الكرباج ما يوحي أو يرمز للمشقة.

ويقف خلف أحمد الذي يستدير إليه مواجهاً إياه في تحدي فما يلبث شفيق أن ينتقل بكراباجه إلي نحمده التي تفرع من منظر شفيق حيث نظر الكرباج وهو يضعه أمام وجهها وكأنه مرآة لها فتظل تتراجع مبتعدة عنه في خوف إلي أن ينطلق شفيق في الضحك المستيري).

نحمده: هو إنجنن ولا إيه يا سي أحمد.. يكونش بيمثل.

أحمد: الظاهر إنه مش تمثيل وبجد وبحق وحقيقي.

شفيق: (جاداً) تعالي يا بت هنا.. قربي بسرعة يا روح أمك.

نحمده: بت في عينك.. أنت إنجبلت ولا إيه يا واد يا شفيق.

شفيق: (يضعها علي وجهها) شفيق مين يا بنت العاهرة.

نحمده: (تحاول أن تضربه) أنت بتضربني يا ابن الكلب.

(شفيق يدفعها بقوة فتسقط علي الأرض فينحسر رداؤها إلي أعلي مما يكشف أجزاء غير قليلة من جسدها فتشوق نحمده حينها تري شفيق يلقي بالكرباج بعيداً محاولاً الاعتداء عليها مما يجعل أحمد يندفع بقوة نحو شفيق ليلطمه لطمه شديدة فيرد شفيق بضرب أحمد ضرباً مبرحاً حتي يسقط أحمد من الإعياء ونحمده علي الجانب الآخر

مذهولة ومندهشة مما يحدث تحاول أن تلملم أطراف ثوبها حتي لا يفكر شفيق في الاعتداء عليها ولكنه للمرة الثانية يقفز عليها وهي تزحف في محاولة للهرب وحينما تفشل تصرخ وتحاول دفعه بعيداً عنها في حين يقاوم أحمد حالة الإعياء الشديدة التي يعاني منها ويقوم بضرب شفيق للمرة الثانية وإزاحته بعيداً عن نعمده مما يدفع شفيق إلي إخراج سلاح قد أخفاه بين طيات ملابسه ويشهره في وجه أحمد الذي يقف مبهوتاً فتندفع نعمده وتقف بينهما في محاولة لإنهاء هذا الصراع الدموي).

نعمده: (تكاد أن تبكي) لأ.. لأ.. لأ.. أوعى تمس سي أحمد إياك (تأمله بحقد)
أنت عاوز مني إيه يا شفيق..!؟

شفيق: (بغیظ وحققد) من الآخر كده عاوزك.

أحمد: (وهو يجاهد إعياءه) أنت إتجننت يا جدع أنت!! فوق لنفسك.. أنت صدقت إنك ضابط ولا إيه!! إحنا متحاصرين وفي أي لحظة ممكن نموت المظاهرة ما إنتهتس والعساكر والضباط محاصرين المكان ما يغركش الهدوء الظاهري ده في أي لحظة ممكن يصفوننا كلنا.. لازم نفكر هنعمل إيه.

شفيق: يصفوكم إنتم.. (صارخاً) أنا لأ.. أنا لأ.. أنا بقيت منهم أنا لازم أعيش حتي لو كان علي حساب العالم كله.. (يلوح بالسلاح في وجهه) هاخذ نعمده وبعدين نتفاهم إيه قولك..!؟

أحمد: (بتحدي) علي جثتي.. (يحاول أحمد الإمساك به ولكن نعمده تدفعه برفق وتحجز بينهما مرة أخرى).

نعمده: بس.. بس خلاص يا سي أحمد.. صدقني مش فارقة معايا كثير سبق وقلت لك الحاجة دي بقت عادي عندي.. بجملته يا سيدي.. (بحزن بالغ)..

إشمعني هو أكنه واحد في أتوبيس زحمة وغصب عني بسلمه نفسي.. شوف الواحدة
الفغيرة اللي زي حالاتي بتركب الأتوبيس كام مرة في اليوم (تضحك بسحرية بينما
أحمد متجمد مذهولاً مما يسمع ويرى فلا يُبدي حراكاً من تلك المفاجأة).

شفيق: (يضحك ساخراً) يا سلام علي عقلك يا أم عقل فاضي.. أدامي يا حلوة
أدامي (يتقدم شفيق شاهراً سلاحه إلي الباب الذي خرج منه من قبل ويفتحه إنتظاراً
لدخول نحمده التي تتحرك ببطء وهي تنظر خلفها لأحمد وفي عينيها دموع متحجرة
تدخل نحمده فيغلق الباب خلفها بسرعة بينما يدخل المغني وأثناء عنائه يقوم أحمد
بمحاولة كسر الباب ولكنه يفشل فيظل يصرخ حتي يقع مغشياً عليه أثناء الغناء).

المغني: أصل الحكاية إن بهية مدبوحة ويتدفع دية

يا مصر هتعيثي مطية إذ يحكمك دبورة وكاب

والله.. الله يا بلدي والعيشة هباب

والله.. الله يا بلدي والأرض خراب

والله.. الله يا بلدي سني الأنياب.. سني الأنياب.. سني الأنياب

(تخفت الإضاءة تدريجياً عن المغني وفور خروجه يفتح شفيق الباب ويدخل
في مشية عسكرية مختلاً بنفسه بينما تدخل ورائه نحمده وهي في حالة انكسار شديد
وأكتاف جلابها الشفاف ممزقة أحمد في حالة كآبه شديدة إذ يبدو منهاراً يذرع منطقة
التمثيل جيئة وذهاباً.. شفيق يلتقط الكبراج الذي ألقاه قبل اغتصاب نحمده).

شفيق: كده مارسنا أحد حقوقنا.. ودلوقتي نقدر نشتغل ونفتح التحقيق..

قوليلي بقي يا حلوة اسمك إيه!؟

نحمده: (في حالة وجوم لا ترد)..

شفيق: (في ضيق) اسمك إيه..؟!!

نحمده: (تنظر له باحتقار ولا ترد).

شفيق: واضح طبعا إنك مش قادرة تتكلمي.. (يضحك بسخرية).. أكيد بذلتي جهد غير عادي (يقترّب منها ويتشممها كالكلب) واضح إنك تعبانة.. نخليكي للدور اللي بعده نبدأ بقي بالثوري المكافح الفلحوس (يضحك هازناً)
اسمك إيه يله..?!!

أحمد: (ينظر إليه في غيظ مكترّم) إبعد عني.. مش طابق أشوفك.. أنت حيوان.
شفيق: (يصرخ) أنصحك بالهدوء.. العصبية مش هتنفعك.. أنت في موقف عصيب لأنك متهم بتكوين خلية من شأنها زعزعة الاستقرار وقلب نظام الحكم إيه قولك؟!!

أحمد: أنت مجنون.. مجنون.. مجنون.
نحمده: ولادي.. ولادي.. ولادي..

أحمد: ضعفك كان هو السبب.. حته بيع سريح إتحمول في لحظة لديكتاتور.. لو قلتني لأمكنش ده حصل.. لكن للأسف كلمة نعم أغرته.. طمعتة.. خلته يتصور إن الحلم ممكن يتحول لحقيقة.. والنتيجة قدامك بقي حيوان مسعور.

نحمده: (بضعف وتكاد أن تبكي) أنت بتلومني يا سي أحمد.. أنا ست ضعيفة مكسورة الجناح أنا واحدة الفقر قتل روحها زي أنت ما بتقول.. خلاص ما عودتش بحس لما حد يقرب من جسمي.. (تأمله بحزن وتقول بعفوية).. لو كنت نفسك فيا و.. ومكسوف قول يا سي أحمد.. أنا خلاص إتعودت (يدير ظهره لها) خدوا كل حاجة بس خلوني أخرج وأروح لأولادي.

شفيق: (يضحك بهستيريا) ما جاوبتش يله علي سؤالي.

أحمد: (بغضب يدفعه من أمامه) إبعد عني يا قذر.

شفيق: الظاهر إنك مش هاتيحي بالذوق (يرفع الكرباج ويلوح به في الهواء ثم فجأة ينزل به علي جسد أحمد الذي يصرخ من توالي الضربات علي جسده النحيف بينما تصرخ نحمده وتندفع لترتمي تحت قدم شفيق).

نحمده: أبوس رجلك يا شفيق بيه.

شفيق: (مأخوذاً بالكلمة) شفيق بيه.. (يضحك ببلاهة) هه.. استمري.. استمري..

نحمده: أبوس رجلك تسييه في حاله.. ده سي أحمد طيب.

شفيق: أسييه بس بشرط.

نحمده: (تقف وترتب علي كتفه) اشرط.. اشرط يا خويا إحنا تحت أمرك..

شفيق: إنه يعترف.. يتكلم.

نحمده: بس كده.. ده أمر بسيط.. هيتكلم.. إتكلم يا سي أحمد.. قول أي حاجة.

(تغمز له بعينها اليميني) خلصنا والنبي علي عينيك يا شيخ قول!! اعترف وفضنا من المسخرة دي بقي.

أحمد: (في غضب شديد) إنتي إتجنتتي إنتي كمان.. أقول إيه واعترف بإيه.

نحمده: قول أي كلام في أي كلام.. أبوس إيديك أنت كمان اعترف وخلصنا.. خليني أخرج من هنا.. أنا حاسة إني في جحيم.

أحمد: هو فعلا جحيم.. جحيم.. جحيم إالي إحنا فيه.. (يتحسس رأسه).

شفيق: (يقترب وينزع يده في غل من علي رأسه).. مالها.. بتوجعك يا حرام خسارة الفكر اللي فيها يا مثقف.. (يمسك رأس أحمد عنوة ويدفعها إلي الحائط

فيسقط أحمد من شدة الألم).

أحمد: (وهو بين قدمي شفيق) مش هتكلم!! مش هاحسك أبداً بعظمتك!!
هاحسك دايماً بضآلتك وتفاهتك وحقارتك.. أنت حقير وقذر (يبتصق في وجهه).

شفيق: (يركله بقدمه في وجهه فتنفجر الدماء من وجه أحمد بينما نحمده تصرخ
وهي منزوية بأحد أركان المسرح تشاهد ما يحدث) نهايتك قربت!!.. لازم أذك
وأحط مناخيرك في الأرض.. قوم يله (يحاول رفعه لكنه يتهاوي علي الأرض من
فرط الإعياء) أنا عاوزك في الأوضة شوية هاعملك غسيل مخ.. وغسيل جسم كمان
قوم.. قوم (ينحني شفيق بعنف ويرفع أحمد الذي لا يقوي علي الوقوف ويتجه به إلي
الغرفة التي هتلك بها عرض نحمده.. أحمد يُمسك بكلتا يديه الباب متشبهاً به حتي
لا يستطيع شفيق إغلاقه ويقوم أحمد بعضه في ذراعه فيصرخ شفيق ويقع أحمد الذي
يتجه في الزحف إلي منتصف المسرح).

شفيق: آه يا ابن العضاضة.. لا أنت مش هاتيجي بالذوق خالص (يُخرج سلاحه
ويُشهره في وجه أحمد) تسمع الكلام زي العاهرة دي لإمه هاتلك.

أحمد: القتل أهون عليا وأشرف ليا (يبتصق في وجهه).

(شفيق يرفع أحمد بصعوبة ويفشل في حمله مرة أخري فيضع السكين في يُمناه
ويسراه يمسك بخناق أحمد).

شفيق: قول أنا عيل عشان أرحمك.

أحمد: (ينظر له في اشمزاز واحتقار).

شفيق: (بهذيان أقرب للحمي) قولها.. هتقولها.. هه.. هتقولها صارخاً.. قولها.

نحمده: (بصوت ضعيف) قولها. قولها أبوس إيدك.. قولها وخلصنا من الكابوس ده.

أحمد: (يضحك بسخرية وبصوت واهن).. أنت صعبان عليا قوي!! أنت مش طبيعي أنت إنسان مريض.

شفيق: قول إنك عيل وأنا أسيبك.

أحمد: أنا أرجل منك ومن اللي خلفوك يا ابن الكلب.

شفيق: كده.. طب خد (يطعنه في صدره بقوة)

أحمد: ولو برضه.. ابن كلب وجبان وحقير (يزحف حتي يصل إلي مقدمة المسرح) الفساد هو الاستبداد.. والاستبداد هو الفساد.. (يقع ميتاً).

شفيق: (يضحك في هستيريا شديدة.. ونحمده منزوية في ركن المسرح تكاد تموت من الرعب وفجأة يُسمع صوت طلقات رصاص بالخارج وصوت خارجي يأتي منبهاً للجميع).

الصوت: المكان كله محاصر.. دقائق.. لو مخرجتوش رافعين إيديكم يا هيج.. هنفجر المكان ونصفيكم.

شفيق: مش هنخرج.. أيوه مش هنخرج (ماسحاً المسرح بعينيه ومتفحصاً جثة أحمد) أنا ما صدقت أعيش حلمي.. محدش هيدخل المكان ده إلا علي جثتي.

الصوت: دقيقتان انتظار وبعدها يا حمار انفجار.

نحمده: (تتقدم من شفيق في خوف وفرع).. أبوس رجلك نسلم نفسينا.. عاوزة أروح لعيالي أبوس إيديك.. أبوس رجلك.

شفيق: (يصفعها بقوة) إخرسي يا عاهرة.. خروج مش هنخرج.. وهنقعد هنا ونتحاسب لسه ما أخذتش أقوالك (يحتضنها من الخلف بقوة ويرجع بظهره إلي مقدمة المسرح لو شطار بقي اضربوا.. لازم أكمل التحقيق معاها.. السين والجيم

سعة . متعة بتصني ذهني ونرضي غروري وكبريائي .

الصوت: مبقاش فيه وقت يا همج .

نحمده: (في استسلام وخضوع) أنا رفعت إيديا يا بيه (تصرخ) يا بيه .. أنا بقالي
٤٥ سنة رافعة إيديا .. أنا ماليش دعوة بأي حاجة .. أنا رافعة إيديا .. حتي بص أرفع
هدومي كمان .. ما عادش إلا الجلبية دي .. أفلعها هي كمان .

شفيق: (يضع يده علي فمها) إخرسي .. إنتي هتخطبي يا فاجرة .

(فجأة عدة رصاصات من داخل النافذة التي تُشبه المشنقة تسقط أولاً نحمده
ثم يسقط بعدها شفيق الذي يصاب بطلق ناري في رأسه .. يتكوم شفيق ونحمده
بجانب أحمد في مقدمة المسرح بينما يدخل المغني ليشدو بأغنية (ممنوع من الكلام) .

ستار

obeikandi.com

جلد الذات

تأليف:

كرام محمود عفيفي

obeikandi.com

الشخصيات :

١. الاب (في السادسة والخمسين من عمره بخيل لكنه طويل القامة)
٢. الأم (امرأة ممتلئة الجسم في الخمسين من عمرها وان كانت تبدو اصغر من عمرها الحقيقي)
٣. الابن (في الخامسة والثلاثين من عمره يبدو وكأنه شبح رجل قد تهبأ علي موت متعجل)
٤. الابنة (في الخامسة والعشرين من عمرها جميلة يبدو وجهها كوجه ملاك)
٥. الشاب (في الثلاثين اسمر الوجه وسيم ممتلئ بالحياة)

الابنة: (في عفوية) لا يا ماما علي اد حاله فقير زينا.

الاب: (في سخريه) فقير علي فقير يساوي قهر وذل..

الابنة: (في براءة) الفلوس يا بابا مش كل حاجة لازم يكون الحبيبين (الاب والام والابن يصوبون اليها نظرات نارية) الاثنين يعني (تلتعلم لانها تعلم انها اجتازت المنطقة الحمراء لدي العائلة) يكونوا متفاهمين (وكأنها وجدت طوق النجاة) اه... متفاهمين بس خلاص (تضحك في بلاهة).

الابن: (في سؤال باغت) هو انتوا اتعرفتوا علي بعض عشان تقدروا تفهموا بعض؟

الابنة: (يجمر ووجهها خجلا وتضعق من المفاجأة) لأ..لأ..لأ..دا شافني عند صاحبتني..جار صاحبتني..اه جارها (في توسل) والله.

الاب: (يقلدها في سخريه) والله..والله..والله.....

الام: (بميوعة) خييتي في بنتي..بلا نبيلة بتعيدي سيرتي وبالمحروس اللي اسمه الفقر (تنظر للاب)

الاب: (موجهها حديثا لابن في سخريه) تقوليش يا اخويا ان انا اخدت بنت وزير ده انتي يادوبك بنت الغفير (يقترّب من الام) غفير سامعة وكان حرامي كمان.

الام: حوش حوش ياخويا انت اللي فاكر والديك ياما هنا ياما هناك بتوع ال...

الاب: (مقاطع و صارخا) علي الطلاق بالتلاته لوزودتي كلمة واحده لتبقي طا....

الابن: (يقاطع والده في حده) يا بابا يا ماما كفاية..كفاية المسخرة ديه حنمسك في خناق بعض عشان حته عيل ما يستاهلش.

الابنة: (تنظر الي شقيقها في صمت وغضب).....

الام: (لنفسها) عندك حق كان غفير وحرامي (تلتفت الي الابنة وتوجه لها لوما

شديدا) حبي..حبي يا حبي وعيشتي في فقر وخلفوا اسم النبي حارسه..قصروا ووصلوا نهاركم وليلكم بجوع بطن وابقى اصرفي عليه هو الثاني زي ما بتصرفي علينا احنا الثلاثة (بيدأ صوت الام في الخفوت بحيث تسرد الام ماتفعله الابنة كل صباح قبل ذهابها الي العمل وحتى حين عودتها اذ تقوم الابنة بتجسيد حديث الام تجسيدا صامتا كذلك يفعل الاب والابن حينما تتحدث عنهما الام بسخرية بحيث يبدو المشهد برمه استعادة للحظة ذاتية فاعلة ومؤثرة و كاشق احشاء تلك الاسرة الصغيرة) طلعة كل شمس تقوم من النوم تغسل وشها وتخرج وتدخل وتدخل وتخرج لحد ما تحضر الفطار وتجري علي طول لتاخذ مخالفة جنائية علشان تصحي (تضحك بخبث) هاء وشيرين (تشير الي الاب والابن) تجهز لهم الفطار وتخرج يا عيني علي لحم بطنها من صبحتها لغطستها (يجب ان يراعي المخرج في هذا المشهد الفلاش باك لعملية الحالات المتغيرة للاضاءة المسرحية) وتمل علينا اخر الليل بعد ما تخلص شغل في المدعوق ده الي اسمه محل ملابس تمل علينا مليانة مرشقة اشبي طبق بسبوسة علي علة حلويات علي علب سجائر وعلطول يتمسح فيها هناء وشيرين (لحظة صمت بينهما وبينها ثم تضحك في سخرية) قاعدين قاعدين ولا الانجليز في الاستعمار اكلين شاربين نايمين برطه قاعدين.... الكبير يخرج معاش مبكر عشان الغضروف والثاني (تنظر له نظرة ذات معني) حيلة ابوه شبه الخروف المنفوش زعيق وشخط ونظر وامارة فاضية وتيجي تقوله شغل يرد عليك في عبط البلد عايشة في حالة فقر وبطالة....فقر علي فقر يقصف العمر.

(يسمع دقات علي الباب لحظة صمت من الجميع اشبه بالموت والابنة تفيق وتلف حول نفسها في سعادة اما الاب والام والابن فقد اتحدوا الان سمت وكلاء النيابة بحيث يقفون جميعا بجانب الكراسي الموضوعه يمينا بينا الابنة تذهب لفتح

الباب لتجدد امامنا شباب اسمر الوجه وسيم يرتدي بدلة أنيقة نوعاً ما حيث يدور حواري بالنظرات بينه وبين الابنة ثم يدخل في حالة من القلق والخوف بحيث يقدم قدم ويتوخر الاخري بينما تستحس الابنة بالنظرات الكاعمة بأن يتقدم في ثبات بحيث يكون ثلاثتهم (الابن والام والابن) فكل جلسوا على كراسيهم ويشيرون للشباب المدعور بأن يجلس امامهم

الشباب: (في ارتباك وخجل) السلام عليكم (الثلاثة لا يردون السلام اذا يكتفون بأشارة من رؤسهم وفجأة يكشفون جلوس الابنة بجوار الشاب علي الكرسي المجاور له فيقفون ثلاثتهم في لحظة واحدة وكأن عقربة لدغتهم ويوجهون اليها نظارات نارية ثم يقومون باصدار امر شفوي يعرف بالنظرات بأن تترك الحجرة وتخرج حالاً الابنة ترتبك وتنظر للشباب الذي وضع وجهه خجلاً في الارض مع بداية انسحاب الابنة من الحجرة وفجأة يضحك الشاب بصوت مسموع ضحكة بلهاء في محاولة منه لتخفيف وطأة الموقف ولتقريب المسافة بينه وبين عائلة محبوبته..)

الاب: في (صرامة) شيك..

الشباب: (في براءة من لم يكن يتوقع السؤال) هه..هه..هه..

الام: يقولك شيك شيك.

الابن: نوضح اكثر (الثلاثة يبدأون بكتابة كل ما يطرح علي بالهم من اسئلة

وبالتالي ما يتلقونه من اجابات من الشاب)

الشباب: عمري (مفكراً قليلاً) حوالي ثلاثين سنة.

الاب: اين ولدت؟

الشباب: (مندعشاً ومتسائلاً) وده دخله ايه في الموضوع الي انا جاي عشانه؟

(ثلاثتهم يصوبون نظراتهم النارية الي الشاب في حين تدخل الابنة وهي تحمل بين يديها صنية عليها بعض الأكواب تضعها علي المنضدة ثم تجلس بجوار الشاب وهي في قمة سعادتها وفي نفس اللحظة يقف الثلاثة مرة اخري كمن لدغتهم عقربة ويوجهون نظراتهم القاسية الي الابنة التي تقف في خجل وتلعثم وتمشي في بطاء خارج الحجره في حين يسيطر الخوف علي الشاب فيخرج من جيب الجاكتة منديل يمسح به عرقه الذي سال)

الاب: هه.. رد.. ابن ولدت ؟

الشاب: (وقد بدأ صبره ينفذ) في المنوفية.

(فور سماعهم تلك الكلمة يتهامس الثلاثة فيما بينهم كما تفعل هيئة المحكمة)

الام: (في تنهيدة) منوفي يعني.

الابن: بداية غير سارة.

الشاب: ليه هي المنوفية ديه شوبها ولاجريمة دا الرئيس ذات نفسه منوفي (ينظرون اليه في صرامة وصمت).

الاب: (وهو ينظر الي الورقة التي بين يديه) موقفك ايه من التجنيد.

الشاب: باقول لحضرتك انا عندي ثلاثين سنة يعني خلصت و.....

الام: (تقاطعه في حدة) ابوك وامك عايشين ؟

الشاب: (لحظة صمت يتأمل فيها ثلاثتهم) الحمدلله.. عايشين.. (يتهامسون ثم يشيرون للشاب بأن يتناول مشروبه).

الابن: كان ليك علاقات قبل كده.

الشاب: (وهو يضع ما في يده) بصراحة علاقتي كتيرة جدا مع الجيران و الاهل

وإذا صدق ما تعدش.

الابن: يا بني آدم افهم (يعمز له بعيبه) علاقات..علاقات..

الشاب: ايوة فاهم علاقات اجتماعية.

الابن: (في حدة) لأ علاقات عاطفية.

الشاب: (مندهشا) لا مفيش.

الاب: والدك يشتغل ايه؟

الشاب: موظف في هيئة البريد. الام: وامك بتشتغل ايه؟

الشاب: (بي تافف) ست بيت.

الابن: وانت بتشتغل ايه؟ (في تلك اللحظة تظهر صورة محل الملابس علي الخلفية

البيضاء والذي يعمل الشاب والفتاة فيه وتظهر نظرات ذات معني بين الشاب والابنة

في محل الملابس)

الشاب: (يمسح عرقه) بأشتغل في..محل ملابس (تظهر الابنة فجاءة خلف

ثلاثتهم بحيث تنظر الابنة للشاشة قبل ان تنقل نظرها الي الشاب الذي يتسم ابتسامة

واضحة وملفتة تجعل الاب يلتفت خلفه ليجد الابنة التي تفرع وتنسحب علي الفور

بينما يزداد توتر الشاب)

الاب: يعني انت بتشتغل في المحل الي بتشتغل فيه بتتنا.

الشاب: ايوة باشت.....

الاب: (يقاطعه ساخرا) صاحبيتها!

الابن: (في غضب) جارتها!

الاب: (موجهها حديثه للأم) بنتك بتعيد سيرتك الاولى.

الابن: في الكذب (الاب والابن ينظران للأم في شراسة).

الشاب: (في محاولة لتلطيف الجو) عنوانكم سهل جدا عرفت اوصله علي طول..

الابن: (في صرامة شديدة) ظروفك ايه؟

الشاب: (لا يرد ويكتفي بنظرة تمزج بين التساؤل والغضب)..

الابن: (وكأنه يصرخ) ظروفك ايه؟

الشاب: (وهو يمسخ عرقه) والله انا زي ما قلت بأشتغل في محل ملابس وقاعد مع امي وابويا واخواتي في اوضتين وصالة وكلي امل في بكره انه ربنا يكرمني بعد طبعاً ما ابدأ حياتي الزوجية لحد ما يجمعنا عش صغير لوحدنا (نظرات جادة من ثلاثتهم له) يعني محدش بيتولد كبير لازم الواحد يكون عنده طموح واماله عريضة ويسعي لتحقيقها والا الحياة تموت لو بطلنا نحلم.

(عند كلمة الحلم تنزل موسيقي لحن "ضميني وانسي الدنيا" حيث تطفي كتلة الانارة الخاصة بالابن والاب والام وتدخل في نفس اللحظة الابنة لتجذب الشاب من يده اليميني وتتجه الي مقدمة المسرح لكي يرقصا معا علي انغام هذا اللحن المميز وفور انتهاء هذا اللحن يعودوا الي ما كانا عليه وتختفي الابنة...)

الاب: ماهيتك اد ايه؟

الشاب: ٢٠٠ جنيه.

الابن: بتصرف منهم اد ايه؟

الشاب: (لا يرد).

الابن: بالذمة ديه ظروف واحد يقدر يفتح بيت..

الشاب: (يمسح عرقه) ما هو انت برضه شاب ولازم تف..

الابن: (يقاطعه) تكونش فاكر نفسك حتأكلها وتشربها حب وعشق.

الاب: الكلام الاهبل بتاع الشباب ده خلاص خلص.

الام: (في عصبية زائدة) بنتي انا تسكن في شقة شرك ليه الرجاله خلصوا من البلد.

الشاب: (في تأثر) ما هو.. اصل.. ما.. هو.. انا لسه ح..

الابن: (يقاطعه) ولما انت لسه موش جاهز للجواز بتتقدم ليه انت فاكر بنات الناس لعبة في ايديك.

الام: انا بنتي لازم تتجوز واحد بقدر يتمن سعرها مرتين.. يعني خصوصا ان بنتنا جمال وادب واخلاق.

(تظهر علي الشاشة صورة للفتاة والشاب وهما يتطارحان الغرام قبيلات ملتعبة واحضان دافئة تظهر الفتاة قبل ان تختفي الصورة من علي الشاشة..)

الشاب: يا ماما انا فعلا ظروفي ممكن تكون صعبة لكن برضه ممكن ان..

الاب: (يقاطعه) تفتكر الحياة ممكن تستمر بينكم ادايه؟

الشاب: (في ثقة) العمر كله.

الاب: (في سخرية) انت بتحلم حتجيب شقة في أد ايه ولو جبتها حتفرشها ازاوي وفي أد ايه برضه؟!

الابن: قله اصل فاكر ان الجواز لعبة.

الشاب: (في رجاء) ده انت شاب.

الام: زينة الشباب ياخويا.

الاب: (يقوم من مكانه ويقف خلف الشاب) تفتكر من الممكن فتح بيت مع وجود شبح مخيف اسمه الفقر.

الشاب: (يبدأ في فك رابطة عنقه بعد ان بدأ يشعر بالأختناق) يا عمي حضرتك انجوزت وعاء....

الام: (تقاطعته وهي تتجه لتقف خلف الشاب) وبالفرض سكنت مع امك وابوك بعد اذ ايه حتقدر تلاقي شقة.. ساعتها يا ضنايا حتكونوا خلقتوا كوم عيال وهيفضل الوضع كما هو عليه.

الشاب: (يمسح عرقه بمنديل ويحاول ان يرد فلا يستطيع)

الابن: (يقوم من مكانه ويقف خلف الشاب بحيث يشكل ثلاثتهم نصف دائرة خلفه) وفقر علي فقر تعيشوا بقية العمر مذلولين.

الشاب: (في استعطاف) ده.. ده انت شاب.

الاب: حاول تنسي.

الشاب: في حالتنا ديه ماينفعش النسيان.

الاب: ايه بتحبها؟

الام: يومين وتنساها.. (الفتاة تضع يديها علي بطنها في اشارة واضحة بينها وبين الشاب).

الابن: احلي اكذوبة في الوجود هي اكذوبة الحب احنا عايشين كلنا في في وهم اسمه حب.

الشاب: ارجوكم قدروا موقفي انا... انا... انا...

الاب: انت ايه يا اخي ما بتفهمش قولنا ما ينفعش ما ينفعش.

الام: يا كحيان يا فقير يا جعان حتفتح البيت بالمتين جنبه بتوعك ولا المتين جنبه بتوعها.

الابن اده.. تكونش طمعان في مرتها فولني كده بقا.

الاب. وانا اقول يا خويا هو متمسك بيها ليه وانا من خيبي افكرته بيحبها.

الابن بيحبها ايه ما احنا قولنا الحب ده اكدوبة.. الحقيقة الوحيدة في حياتنا

البكنوت (يدور حولهم كمن يسعى بين الصفا والمروة) البكنوت قاهر الموت..

الفلوس الفلوس يا أستاذ هي الحب الاول والاخير في حياتنا.

الشاب: (وقد بدأ يفقد اعصابه) علي فكرة انا مش في احتياج لفلوسها انا اصلا

ناوي اخليها تقعد في البيت لاني مؤمن بان الست اتخلقت عش...

الاب: (مقاطعا) سيبك من الشعارات التافهة ديه الخلاصة ما عندناش بنات للجواز.

الام: ابوة مش هتتجوزها.

(الفتاة تلطم علي وجهها بينما الشاب يجفف عرقه بينما الثلاثة يبدؤون وصلة

اللف حوله وكأنه ذبيخة قد اعدت للتضحية بها..)

الابن: يا فقير يا جعان.

الام: يا فقير يا جعان.

الاب: يا فقير يا جعان.

(الشاب يخلع جاكيت سترته ويلقيه علي الارض ويمشي مترنحا تجاه الشاشة

بطء شديد بينما مازال ثلاثتهم يرددون جملة «يا فقير يا جعان» في نفس اللحظة ينزل

من اعلي جبل مشنقة مع نزول اغنية «ده قلب ده ولا حجر ده سجن ولا وطن»

يلتقط الشاب جبل المشنقة فتندفع الفتاة نحوه في محاولة منها لمنعه لكن نظرات

الشياطين الثلاثة تمنعها فتقف لتشاهد معهم شئ حبيبا. اضاءة حمراء للمشهد مع

اظلام تام ودخول موسيقي جنائزية حزينة ثم عودة لنفس المنظر حيث الجميع يترقبون

مجئ شخص ما طرقات علي الباب تفتح الفتاة يدخل شاب في مقتبل العمر..)

الاب: (في صرامة) شيك.

الام: يقولك شيك.

الابن: نوضح اكثر عمرك اذ ايه.. (الفتاة تدخل وتقف امام الشاب مباشرة تنظر

له في حزن شديد ثم تضع يديها علي بطنها وفجاءة تسقط مغشيا عليها الجميع في حالة

وجوم تام مع اظلام تام..)

تمت

ا

فهرست المحتويات

٣	اهداء
٧٥	دبورة وكاب
١٠٩	جلد الذات
١٢٣	المؤلف في سطور